

Ilanngussaqq F



Aningaasaqarnermut Naalakkersuisoq

Ulloq: 31. oktober 2019

J.nr.: 01.31.11-00019

Aningaasaqarnermut Akileraartarnermullu Ataatsimiititaliamit tallimangornermi ulloq 1. november 2019, nal. 10.30 ataatsimiittarfik Lars Chemnitzimi siunersiorneqarnissamut aggeqqusissut

Inatsisartut suleriaasianni § 19 naapertorlugu AIS 2020 pillugu siunersiorneqarnissamut Aningaasaqarnermut Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Naalakkersuisut AIS 2020-mut allannguutissatut siunnersuutaat matuma kinguliani allasimasunik ataatsimiititaliap apeqquteqarnissaanut tunngavissiipput, taakkulu siunersiuinerimi akineqarnissaat ataatsimiititaliamit kissaatigineqarpoq.

Apeqqut 1

Allannguutissatut siunnersuut nr. 10.

Missingersuutinut ilanngussami allannguummut suna tunngaviua?

Apeqqut 2

Allannguutissatut siunnersuut nr. 23.

Missingersuutinut ilanngussami allannguummut suna tunngaviua?

Apeqqut 3

Allannguutissatut siunnersuut nr. 25.

Takussutissiaq ilanngullugu nassuinneqartoq erseqqinnerusumik itisilerneqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq.

Apeqqut 4

Allannguutissatut siunnersuut nr. 28.

Takussutissiaq ilanngullugu nassuinneqartoq erseqqinnerusumik itisilerneqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq.

Tassunga atatillugu suliassap 996.24.116 allaaserinerani allanngortoqarpa?

Apeqqut 5

Allannguutissatut siunnersuut nr. 30.

Suliassanit allanit arlalinnit Nuummi suliassaq 060.31.033-mut aamma sumiiffinni assigiingitsuni suliassaq 996.32.134-mut aningaasanik nuussisoqartoq ataatsimiititaliap paasivaa. Takussutissiaq ilanngullugu nassuineqartoq erseqqinnerusumik itisilerneqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq. Tamatuma saniatigut atuutilerfissatut nalunaarneqarsimasut itisilerneqarnissaat ataatsimiititaliamit kissaatigineqarpoq.

Apeqquut 6

Allannguutissatut siunnersuut nr. 43.

Aningaasaliissutini allannguutit qanoq nassataqarpat?

AS 41-44-p akornanni ataqatigiinneq erseqqinnerusumik itisilerneqassasoq ataatsimiititaliamit kissaatigineqarpoq.

Apeqquut 7

Allannguutissatut siunnersuut nr. 45.

Aningaasaliissutini allannguutit qanoq nassataqarpat?

Apeqquut 8

Allannguutissatut siunnersuut nr. 49+50.

Pisariillisaanermik suliniut ERP sivitsulersumik ingerlasoq qaqugu naammassineqarsinnaasutut naatsorsuutigineqarpa?

Apeqquut 9

Allannguutissatut siunnersuutit uku aningaasalersornissaannut Naalakkersuisut qanoq naatsorsuutiginnippat?

Apeqquut 10

Isaterinnermut tapiissutit konto pingaarnermut immikkoortinneqarnissaannut Naalakkersuisut qanoq periarfissaqarsoraat?

Apeqquut 11

Konto pingaarnermut 64.16.04-mut oqaasertaliussaq nr. 2 suli pisariaqartinneqartuurtussatut Naalakkersuisunit isigineqarpa? Tamanna qanoq iluaqutissartaqarpa?

Apeqquutit allat:

Apeqquut 12

Qeqqata Kommuniata allagaa ilanngunneqartoq oqaaseqarfigeqqullugu Naalakkersuisut qinuigineqarput, tamatumani aningaasanut inatsimmut kingunerisassat immikkut pingaartinneqassapput.

Siunnersuinermi malitseqartitsissutinik apeqquuteqartoqarnissaa naatsorsuutigineqassaaq.

Ataatsimiititaliap Naalakkersuisumik siunnersuinerata Naalakkersuisup ataatsimiititaliallu akornanni pingaarnersiulluni tullerriarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqquutit siuliani allasimasut pillugit allakkiamik kalaallisut danskisullu ataatsimiititaliap Naalakkersuisumik siunnersuineranut atatillugu pissarsinneqarnissani ataatsimii-

titaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguningua uunga nassiunneqarnissaa qinnutigineqarpoq: saam@ina.gl. Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Til:

Inatsisartuts Finansudvalg: saam@inatsisartut.gl

Kopi:

Naalakkersuisut: govsec@nanoq.gl

Inatsisartuts Anægsudvalg: nama@inatsisartut.gl

| | |
|---------------------|------------------|
| Ulloq / Dato | 30/10/2019 |
| All. nr. / Brev nr. | 1900216 |
| J. nr. | 24.01.00 |
| Sull. / Sagsbeh. | Laul/løk. 867310 |

Qeqqata Kommuniani angallassinikkut attaveqqaqatiginnermut atortulersuutiniq aallartitsineq

Angallannikkut attaveqqaqatigiinnermik annertusaaneq pineqartillugu, Qeqqata Kommuniani ukiuni kingullerni pisut pitsaasut avataaniitsinneqartarnikuuvugut. Kommunitinni suliniutinik aamma pisoqarnissaa pillugu Inatsisartuni partiit tamarmik isumaqataagunartut paasisinnaagakku nuannaarutigisorujussuara.

Uagut nunatta immikkoortortaani Mittarfinnik nutaanik pisariaqartitsinngilagut, kisianni Kangerlussuarmi Mittarfiup nutarsarnissaa pisariaqartillugu. Suliassamik taassuminnga Naalakkersuisut pitsaasumik qallunaat naalagaaffianik isumaginnittussanngortitsinikummata, Qeqqata Kommuniani angallannikkut attaveqqaqatigiinnermut atortulersuutiniq nutaanik annertusaanissamut Kalaallit Nunaanni Namminersorlutik Oqartussat ilerasuuteqaratik peqataasinnaapput.

Kangerlussuup siunissaa pillugu sivisuumik nalornissuteqarsimanerup malitsigisaanik, Kangerlussuarmi qitusoqarfimmiit aningaasaliinissat annikinnerpaaffianiitinneqarnikuupput, kisianni Kangerlussuarmi Mittarfinnik nutarsaanissamik Naalagaaffiup aningaasaliilersaamerata malitsigilluinnagaanik, iluaqutitalimmik malinnaatitsilluni aningaasaliinissat arlallit ingerlanneqarsinnaallutik.

Uani pineqarput Kangerlussuarmi Talittarfik aammalu Sisimiut Kangerlussuullu akornanni Aqqusineq. Kangerlussuarmi Mittarfiup siunissaata qulakkeerneqareernerata kingorna suliniutit marluusut inuiaqatigiinnut imminut akilersinnaanngornikuupput. Taamaattumik suliniutit piaarnerpaamik aallartinneqartariaqaraluarput, ajornanngippallu 2020-mi pilersaarusiorneqalereerlutik. Suliassaq taanna Qeqqata Kommuniani tigusinnaavarput, soorlu Naalakkersuisunut allakkani assigiinngitsuni takuneqarsinnaasoq.

*Qeqqata Kommunianut saaffiginnittoqartassaaq, inunnut ataasiakkaanut pinani.
Henvendelse bedes adresseret til Qeqqata Kommunia og ikke til enkeltpersoner.*

Maannakkut ajoraluartumik ima paasivara, Naalakkersuisut Aningaasaqarnermut Inatsisissamut siunnersuutitik Inatsisartunut nassutereeraat, taamattumik Inatsisartut Aningaasaqarnermut ataatsimiititaliaannut Sanaartornermullu ataatsimiititaliaannut toqqaannartumik allagarpunga, taamaalillutik qulakkeersinnaassagunarmassuk, Qeqqata Kommunianni attaveqaqatigiinnermik annertusaanermik suliniutit 20202-miit aallarereersinnaaniassammata.

Tamanna ilaatigut Sisimiut Kangerlussuullu akornanni aqqusinermik pilersaarusiornermut Qeqqata Kommuniata 5 mio. koruuninik aningaasaliineratigut Namminersorlutik Oqartussat assinganik aningaasaliineratigut pisinnaavoq, taamaalilluni pilersaarusiornersamut aningaasat pisariaqartut 10 mio. koruunit anguneqarsinnaallutik. Taamaaliornikkut inuussutissarsiornikkut suliniutit arlalissuit soorlu Sikumiut, Albatros, Hotel Sisimiut aamma aningaasaliisartut allat hotelinut pilersaarutaat siunissami qanittumi piviusunngortinneqarnissaanut tunngavissamik pilersitisisoqassaaq.

Tamanna ilaatigut Kangerlussuarmi Talittarfimmut aningaasaliissutit 50 mio. koruunit Qeqqata Kommuniannut tunniunneqarneratigut pisinnaavoq.

Sisimiuni umiarsualivimmi pissutsinik pitsanngorsaaniissamik Qeqqata Kommunia misilittagaqarpoq, tassani ilaatigut aningaasaliissutaasut 55 mio. koruunit qaangingikkaluarlugit Sisimiuni kommunip umiarsualiviutaanik kommuni sanaartornikuulluni, soorluttaaq RAL quersuaata aamma KNI eqqaani aqquserngup ingerlaarfiani qaqqamik qaartiterillunilu aqqusinermik allanngortitsinikuusoq, taamaalilluni RAL containerinik passusisinissaat nassatanillu tunniussinissaat pitsaanerulersinnaaniassammata.

Sisimiuni kommunip umiarsualiviutaanik sanaartornermik ingammik Kangerlussuarmi nutaamik talittarfimmi pilersitsinissamut sanaartornermi aqutsineq toqqaannartumik nuutsinneqarsinnaavoq.

Taamaaliornikkut umiarsuarnik takornariartaatinik takornaqartitsisartut assigiinngitsut amerlanerulernissaanut aammalu ilaasuminnut paarlaassinissamut periarfissanik pitsaanerusemik, taamaalilluni nunat eqqamiorisatsinnit Kalaallit Nunaannut nuunneqarsinnaanerunissaanut tunngavissaqalernissaamik pilersitisisoqassaaq. Taakku saniatigut maanna talittarfimmi sioqqanik ingerlaavartumik piaasarnermi Namminersorlutik Oqartussat aningaasartuutinik amerlasuunik sipaaruteqassapput, soorluttaaq innuttaasunut, takornarialerisunut aamma ilisimatusarnermut immikkoortut pilersuinissamut qularnaarinninnissaq malunnaatillimmik pitsanngoriaateqassasoq.

Nunap sinneratuulli Qeqqata Kommuniani angallannikkut attaveqaaqatigiinnerup pitsaanerulersinneqarnissaanut Qeqqata Kommunian qilanaarpoq, taamaattumik qinnuiginnissutitsinnik Inatsisartut Aningaasaqarnermut ataatsimiititaliaata pitsaasumik suliarinninnissaanut Qeqqata Kommuniani qilanaarpugut.

---oOo---

Opstart af trafikinfrastrukturanlæggelser i Qeqqata Kommunia

I Qeqqata Kommunian er vi i de senere år blevet holdt uden for det gode selskab, når det vedrører trafikinfrastrukturudbygningen. Det er med stor glæde, at jeg kan erfare, at alle Inatsisartuts partier synes at bakke op om, at der nu også skal ske tiltag i vores kommune.

I vores region har vi ikke brug for nye lufthavne, men behov for Kangerlussuaq Lufthavn reoveres. Da Naalakkersuisut meget fornemt har fået den danske stat til at sørge denne opgave, kan Grønlands Selvstyre med god samvittighed bidrage til udbygningen af nye trafikinfrastrukturfaciliteter i Qeqqata Kommunian.

Som følge af den langvarige usikkerhed om Kangerlussuaqs fremtid har investeringer fra centralt hold været holdt på et absolut minimum i Kangerlussuaq, men netop som følge af Statens kommende finansiering af reovering af Kangerlussuaq Lufthavn kan en række følgeinvesteringer med fordel gennemføres.

Det drejer sig om Kangerlussuaq Havn og Vej mellem Sisimiut og Kangerlussuaq. Begge projekter er blevet endnu mere samfundsøkonomisk rentable efter Kangerlussuaq Lufthavns fremtid er sikret. Derfor bør projekterne igangsættes snarest, helst med projektering allerede i 2020. Denne opgave vil Qeqqata Kommunian gerne påtage os, som det er fremgået af forskellige breve til Naalakkersuisut.

Nu er det jo desværre min forståelse, at Naalakkersuisut allerede har fremsendt deres forslag til Finanslov til Inatsisartut, hvorfor jeg skriver direkte til Inatsisartuts Finansudvalg og Anlægsudvalg, så de forhåbentlig kan sikre, at der allerede i 2020 sker tiltag med infrastrukturudbygningen i Qeqqata Kommunian.

Det kan dels ske ved, at Selvstyret afsætter en matchende bevilling som Qeqqata

Kommunia med 5 mio.kr. til projektering af vejen mellem Sisimiut og Kangerlussuaq, så den nødvendige projekteringsbevilling på 10 mio.kr. kan opnås.

Dermed skabes grundlag for, at en lang række erhvervsprojekter, som Sikumiut, Albatros, Hotel Sisimiut og andre investorers hotelplaner forhåbentlig kan realiseres i nær fremtid.

Det kan dels ske ved, at overdrage en bevilling på 50 mio.kr. til Kangerlussuaq Havn til Qeqqata Kommunia. Qeqqata Kommunia har også erfaring med forbedring af havneforhold i Sisimiut, hvor kommunen dels har opført den kommunale havn i Sisimiut uden at overskride det afsatte budget på 55 mio.kr. ligesom kommunen har udsprængt fjeld og omlagt vejforløb ved RAL's pakhus og KNI, så RAL bedre kan håndtere containere og fragtudlevering.

Særligt erfaringerne med anlægsstyring af opførelsen af den kommunale havn i Sisimiut kan overføres direkte til anlæggelse af en ny havn i Kangerlussuaq.

Dermed skabes grundlag for, at krydstogtturismen kan få flere forskellige og gode alternativer for passagerudskiftningen, så den i højere grad kan flyttes fra nabolandene til Grønland. Desuden kan Selvstyre spare mange udgifter på den løbende fjernelse af sand ved den nuværende havn, ligesom forsyningsikkerheden for befolkningen, turistbranchen og forskningssektoren kan forbedres markant.

Qeqqata Kommunia ser frem til, at trafikinfrastrukturen i Qeqqata Kommunia i lighed med resten af landet forbedres, hvorfor Qeqqata Kommunia ser frem til Inatsisartuts Finansudvalgs positive behandling af vores anmodning.

Inussiarnersumik inuulluaqqusilluta / Med venlig hilsen



Malik Berthelsen

Borgmesteri

Borgmester



Allakkiag Notat

Oqaatigisassat

Brevdato: 31-10-2019
Sags nr. 2019 - 4228
Akt id. 11998939

**Tallimangornermi ulloq 1. november 2019 nal. 10.30 ataatsimiittarfik Lars
Chemnitzimi Aningaasaqarnermut Akileraartarnermullu
Ataatsimiititaliamik isumasioqateqarneq**

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

**Pineqartoq: AIS2020 – Aappassaaneerinninnermi Naalakkersuisut
allannguutissatut siunnersuutaat (UKA2019/7)**

1. Aallaqqaammut ataatsimiititaliaq isumasioqatigiinnermut uunga aggersaananeranut qujassuteqarfigissavara. Isumasioqatigiinnermut sivikitsuaqqamik siumut piffissaliilluni aggersaasoqarpoq, taamaammallu ataatsimiititaliamut oqaatigisassat sulii naammassisinnaanngilavut, taakku kingusinnerusukkut nassiunneqassapput.
2. Ataatsimiititaliaq tulliuuttunik apeqquteqarpoq, taakkullu isumasioqatigiinnermi uani akissavakka:

Ataatsimiititaliap apeqqutai:

Apeqqut 1

Allannguutissatut siunnersuut nr. 10.

Missingersuutitut ilanngussami allannguummut suna tunngaviua?

Akissut:

Apeqqutip akissuteqarfiginissaanut Ilinniartitaanermit, Kulturimut Ilageeqarnermullu Naalakkersuisoqarfimmit ilassutissanik pissarsisoqarpoq, taakkulu allannguutissatut siunnersuut Elite Sport Greenland (ESG) siunnersuutaanik aallaaveqartumik suliarineqartoq paasissutissiisutigaat. Nunanut allanut unammisartut sungiusaasui allaffissornermut piffissartornatik ingerlaavartumillu sulinermit annaasanik matussutissanik qinnuteqaasiornatik timersortartut sapinngisamik pitsaanerpaamik sungiusarnissaannik

aallussinnaanngorlugit eqqissillutik sulisinnaalernissaat allannguutissatut siunnersuutip siunertaraa. Tamanna ESG-p isumaa naapertorlugu nunanut allanut unammisartunik nukittorsaassaaq sapinngisamillu pitsaanerpaanik piginnaasaqalersitsissaaq. Peqatigisaanillu timersortartut sulinermi annaasaminnik sulit matussutissarsisassapput.

Apeqqut 2

Allannguutissatut siunnersuut nr. 23.

Missingersuutitut ilanngussami allannguummut suna tunngaviua?

Akissut:

Apeqqutip akissuteqarfiginissaanut Ineqarnermut Attaveqaqatigiinnermullu Naalackersuisoqarfimmit ilassutissanik pissarsisoqarpoq. Matumani oqaasertatiguiinaq allannguiq imminermini aningaasaliissutinik kinguneqaateqanngitsoq pineqarpoq. Naalackersuisoqarfiup ugguuna allannguinikkut Mittarfeqarfiit akigititaasa nutartikkat atulersinneqarnerisa kinguneqaataat erseqqissarniarpaq. Pissutsit taakku aningaasaliinikkut AIS20-mi naqitami ilanngunneqareerput, naalackersuisoqarfiilli tungaanit oqaasertaliussatigit taakkunanga erseqqissaanissaq kissaatigineqarpoq. Taamaammat immikkoortumi Mittarfeqarfiit akigititaat nutaat Peqqinnissaqarfiup aningaasartuuteqarneruleranik malitseqartut, kiisalu Air Greenlandimut sullissinissamik isumaqatigiissummut akiliutit qaffanneqartut taamaattorli Peqqinnissaqarfik Air Greenlandilu taakkununga taartisisinneqartut erseqqissarniarneqarpoq.

Apeqqut 3

Allannguutissatut siunnersuut nr. 25.

Takussutissiaq ilanngullugu nassuinneqartoq erseqqinnerusumik itisilerneqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq.

akissut:

Apeqqutip akissuteqarfiginissaanut Ineqarnermut Attaveqaqatigiinnermullu Naalackersuisoqarfimmit ilassutissanik pissarsisoqarpoq. Matumani 50/50-imik tapiisarnermik aqqissuussineq pineqarpoq, tassungalugu tunngatillugu ukiuni aningaasanut inatsiseqarfinni tamani kommunit kissaataannik piniartoqarpoq.

Aallaqqaammut utoqqarnut immikkoortuni marloqiusamik aningaasaleeriaaseq naapertorlugu pilersaarusiornermut tapiissuteqartoqarsinnaavoq. Tamatuma kingorna sanaartornermut namminermt tapiissuteqartoqarsinnaanera isummerfigineqartarpoq. Taamaattoqartillugu suliniut 996.44.048 Nutaamik sanaartugassanut iluarsagassanullu aningaasaliissutit aningaasat nuunneqartarput. AIS2020-mut sanaartornissamut qinnuteqaatinik tigusaqartoqanngilaq, taamaallaat pilersaarusiornernut. Suliniutini tamani suliniutinut nassuiaatit kommunit suliniutinut nassuiaataannit tigusaapput.

Apeqqut 4

Allannguutissatut siunnersuut nr. 28.

Takussutissiaq ilanngullugu nassuineqartoq erseqqinnerusumik itisilerneqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq.

Tassunga atatillugu suliassap 996.24.116 allaaserinerani allanngortoqarpa?

Akissut:

Apeqqutip akissuteqarfiginissaanut Ineqarnermut Attaveqatigiinnermullu Naalackersuisoqarfimmit ilassutissanik pissarsisoqarpoq, taakkulu 996.24.116 suliniutip nassuiaataa allannguuteqanngitsoq paasissutissiissutigaat. Taamaalilluni suliniummut nassuiaat 2020-mut Aningaasanut Inatsisissatut Siunnersuummi naqitami ilanngunneqartumut sanilliullugu allannguuteqanngilaq.

2021-mi 2022-milu 20 mio. kr.-t AIS2020-mi suliniummut kukkusumut immikkoortinneqarnerat matumani pineqarpoq, tamannalu maanna allannguutissatut siunnersuutikkut ugguuna aaqiivigineqarneqarpoq. Taamaalillunilu aningaasaliissutit maanna suliniummi eqqortumi, eqqortumik suliniummut nassuiaatitalimmi takuneqarsinnaalissapput.

Taamaalilluni annikinnerusumik teknikikkut aaqiineq pineqarpoq.

Apeqqut 5

Allannguutissatut siunnersuut nr. 30.

Suliassanit allanit arlalinnit Nuummi suliassaq 060.31.033-mut aamma sumiiffinni assigiinngitsuni suliassaq 996.32.134-mut aningaasanik nuussisoqartoq ataatsimiititaliap paasivaa.

Takussutissiaq ilanngullugu nassuineqartoq erseqqinnerusumik itisilerneqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq. Tamatuma saniatigut atuutilerfissatut nalunaarneqarsimasut itisilerneqarnissaat ataatsimiititaliamit kissaatigineqarpoq.

Akissut:

Takussutissiivik suliniutinik ataasiakkaanik aningaasaliissutissatut kissaatinik, suliniutinilu aalajangersimasuni erseqqinnerusumik nassuiaatit aningaasanut inatsisissatut siunnersuummi naqitam, kiisalu allannguutissatut siunnersuummi nassuiarneqartut, Ineqarnermut Attaveqaqatigiinnermullu Naalakkersuisoqarfiup paasissutissiissutigaa. Allannguutissatut siunnersuummi aningaasaliissutini allannguutit kisimik takutinneqartut, suliniutinilu aalajangersimasuni allannguutit eqqaaneqartut, taamaalillunilu erseqqinnerusumik paasinninnissami allannguutissatut siunnersuut aningaasanut inatsisissatut siunnersuummut naqitamut namminermut sanillersuunneqarnissaa pisariaqartoq maluginiaqquneqarpoq.

Allannguutissatut siunnersuummi uani aningaasat sanaartornermi suliniutinit arlalinnit, atuinikinneruffiullutik naammassineqartunik suliniummiluunniit namminermi allatut ililluni aningaasaliissutissanik pisariaqartitsinerup apparneqarsinnaaffiini, soorlu nussorneqarput sanaartornermi suliani pitsaasunik neqeroortoqarneratigut. Aningaasat atorneqartussaajunnaartut taakku Nuummi blok 1-ip isatneranik suliniummut, kiisalu piffinni assigiinngitsuni inissianik sanaartornermut suliniutinut nuunneqarnissaat qinnutigineqarpoq. Kingullermut tunngatillugu nuna tamakkerlugu inissianik pilersaarusiormi sanaartornermilu aningaasaliissutit atorneqarsinnaanerattut, taamaattoq taakku suli sanaartugassatut suliniummut aalajangersimasumut nuunneqannginnerattut paasineqassaaq.

Atulerfissat ullui suliniutip ingerlanneqarnissaani maanna toqqammavigineqartoq naapertorlugu pinissaa tunngavissaatinneqarpoq. Suliniutit ingerlaavartut pineqartillugit – tassa suliassat ataavartumik sulariumannittussarsiuunneqartut minnerusunullu – ullut atulerfissat peerneqarnissaat qinnutigineqarpoq, taamaattoqarneranimi ulloq eqqortoq pineqarneq ajormat. Taamaaliornikkut suliniummut nassuiaatip piviusorsiornerusumik takussuteqartinnissaa kissaatigineqarpoq.

Apequt 6

Allannguutissatut siunnersuut nr. 43.

Aningaasaliissutini allannguutit qanoq nassataqarpat?

AS 41-44-p akornanni ataqatigiinneq erseqqinnerusumik itisilerneqassasoq ataatsimiititaliamit kissaatigineqarpoq.

Akissut:

Umiarsualiveqarnermi oqartussaaneq pillugu isumaqatigiissutit isumagineqarnissaannut aningaasaliissutaareersut, immikkut konto pingaarnermut 72.22.01-imut nuunneqarnissaat siunnersuutigineqarpoq, tamannalu allannguutissatut siunnersuutip nr. 44-mi siunertaavoq. Peqatigisaanik allannguutissatut siunnersuummi 41-mi sulisumut aningaasaliissutit konto pingaarnermut 72.20.02-mit konto pingaarnermut 72.20.07-imut nuunneqassapput.

Tamanna aningaasaliissutissatut immikkoortinneqartut ersarinnerulersinneqarnissaanik siunertaartoq Ineqarnermut Attaveqatigiinnermullu Naalackersuisoqarfiup paasissutissiissutigaa.

Ataatsimut isigalugu Ineqarnermut Attaveqatigiinnermilu Naalackersuisoqarfimmi suliassanut nuussinermut tunngatillugu aningaasaliissutini nuusseq pineqarpoq. Taamaaliornikkut ilaatigut umiarsualiveqarnermut immikkoortumi sanaartugassat 2020-mit pisaanerusumik isumagineqarnissaat Naalackersuisoqarfiup naatsorsuutigaa.

Apeqqut 7

Allannguutissatut siunnersuut nr. 45.

Aningaasaliissutini allannguutit qanoq nassataqarpat?

Akissut:

Apeqqutip akissuteqarfiginissaanut Ineqarnermut Attaveqatigiinnermullu Naalackersuisoqarfimmit ilassutissanik pissarsisoqarpoq, taamaalillunilu allannguut ilaatigut Namminersorlutik Oqartussat inissiaataanni inissianut inoqanngitsunut aningaasartuutit annertusinissaannik ilimagisaqarnermik takutitsisuusut paasissutissiissutigineqarpoq. Inissiat arlallit inissiani, sinneqartooneq, ilaatigullu pitsaanginnerat pissutigalugu ilaannakortumik atornerqarput, taamaammallu inissiap tamakkerluni qimanneqarnissaata tungaanut suli inissianut inoqanngitsunut aningaasartuutit isumagineqartartussaallutik. Naalackersuisoqarfik INI A/S peqatigalugu aningaasartuutit taakku appartinniarlugit suliniutinik aallartitsivoq.

Apeqquut 8

Allannguutissatut siunnersuut nr. 49+50.

Pisariillisaanermik suliniut ERP sivitsulersumik ingerlasoq qaqugu naammassineqarsinnaasutut naatsorsuutigineqarpa?

Akissut:

Allannguutissatut siunnersuummi nr. 50-imi oqaatigineqartutut ERP-mik suliniut 2020-p naanerani naammassineqarsimassasoq Naalakkersuisut ilimagaat.

ERP-mik pilersuisumik isumaqatigiissut 2016-ip qiteqqunnerani atsiorneqarpoq, piffissallu paasinarsisitsiffiusup pereernerani atulersitsineq 2017-ip qiteqqunnerani Kommuneqarfik Sermersuumi allartinneqarpoq, januar 2018-milu kommunimi tamakkiisumik atorneqalerpoq. Kingullermik Namminersorlutik Oqartussat ERP atulerpaat, ullorlu 1. november 2019 Qeqqata Kommuniani atorneqalissaaq. Kommunini sinneruttuni pingasuni Akileraartarnermullu Aqutsisoqarfimmi 2020-p ingerlanerani ingerlaavartumik atuutilersitsinerit ingerlanneqassapput, taamaammallu ERP-mik suliniut tamarmiusoq 2020-p naanerani naammassissasoq ilimagineqarpoq. Taamaattoq atortorissaarummut immikkut tapiliussat ineriartortinneqarlutillu nalimmassarneqartarnissaat pisariaqartinneqassagunarpoq, aamma ukiuni aggersuni, soorluttaaq ilaatigut ilinniartitsinerit malitseqartitsinerillu aamma ukiuni aggersuni pisariaqartinneqarummassasut.

Apeqquut 9

Allannguutissatut siunnersuutit uku aningaasalersormissaannut Naalakkersuisut qanoq naatsorsuutiginnippat?

Akissut:

AI2020 isertitat aningaasartuutillu oqimaaqatigiisitsisoq akuerineqassasoq Naalakkersuisut suli erseqqissumik anguniarpaat. Aappassaaneerinninnermut Naalakkersuisut allannguutissatut siunnersuutit saqqummiussaat akuerineqassappat, ukiuni aningaasanik inatsisiliorfiusuni 2020-2023 tamakkerlugu 70,6 mio. kr.-nik amigartoortoqassaaq. Tamanna agguaqatigiissillugu ukiumut 17,5 mio. kr.-nik amigartooruteqarnermik naleqarpoq. Taamaammatt pingajussaaneerinninnissami missingsuutit pisariaqartumik oqimaaqatigiissinnissaat piviusorsiortoq naliliutigineqarpoq. Maannakkuugallartoq tamatuma anguneqarsinnaajumaarneranut Naalakkersuisut suli erseqqissumik ilimagisaqanngillat, sulimi aningaasanut inatsit pillugu partiinik isumaqatiginninniarnert naammassineqanngillat. Taamaaliornermilu

suli isertitat aningaasartuutillu sunnerneqarsinnaapput. Tamatuma saniatigut Akileraartarnermut Aqutsisoqarfik aningaasarsiornerup suli qaffasittuarnera tunuliaqutaralugu iluanaarutisianik annertuliinissaq siunertaralugu, akileraarutininik akitsuutinillu ingerlaavartumik akilikkanik misissuileruttorpoq. Taamattaaq ukioq manna raajartassanut siunnersuineq utaqqinneqarpoq, taannalu 2020-mi raajanut TAC-mut sunniuteqassaaq. Inatsisitigut piimasaqaataasunik aningaasartuutininut tunngatillugu maannakkuugallartoq ukiumut 3 mio. kr.-t ataallugit missingersuutitigut annikitsumik pitsanngoriaateqartoqarpoq, taakkulu pingajussaaneerinninnermut allannguutissatut siunnersuutitut ilanngunneqassapput.

Apeqqut 10

Isaterinnermut tapiissutit konto pingaarnermut immikkoortinneqarnissaannut Naalakkersuisut qanoq periarfissaqarsoraat?

Akissut:

Apeqqutip akissuteqarfiginissaanut Aalisarnermut, Piniarnermut Nunalerinnermullu Naalakkersuisoqarfimmit ilassutissanik pissarsisoqarpoq. Aaqqissuussineq eqaatsoq maanna atorineqartoq naapertuuttuusoq Naalakkersuisut isumaqarput, aningaasammi qinnuteqaatit ingerlaavartut tunuliaqutaralugit atorineqartarput, eqaatsumillu periuseqarneq taanna taamaalilluni konto pingaarnermi 50.06.50 Aalisarnermut aningaasaliissutininut immikkoortitat aningaasat immikkoortinneqartut naapertuuttumik atorineqarnerannut qulakkeerinneqataavoq. Taamaammatt aningaasat immikkoortunngortinneqarnissaannut pitsaaqutaasunik Naalakkersuisut takujuminaatsitsipput.

Apeqqut 11

Konto pingaarnermut 64.16.04-mut oqaasertaliusseq nr. 2 suli pisariaqartinneqartuutussatut Naalakkersuisunit isigineqarpa? Tamanna qanoq iluaqutissartaqarpa?

Akissut:

Apeqqutip akissuteqarfiginissaanut Inuussutissarsiornermut, Nukissiuuteqarnermut Ilisimatusarnermullu Naalakkersuisoqarfimmit ilassutissanik pissarsisoqarpoq. Konto pingaarnermi atuinerussutininik atuinikinnerussutinilluunniit ukiumut aningaasanut inatsiseqarfimmut tullermut Naalakkersuisut nuussisinnaanerannik oqaasertaliussat piginnaatitsipput, tamannalu assersuutigalugu ujarassiornermi ilisimatusarnikkut misissuinerinik

qaffasissumik pitsaassuseqartunik uuliamik isumalluutunik ilisimasat qaffassarneqarnissaannik siunertaqartunik ingerlatsinernut atatillugu aningaasaliissutunik pitsaanerpaamik atuinissamik qularnaarinissamut pingaaruteqarpoq. Misissueqqaarnerit taamaattut ukiukkaartumik ullorsiutunik malinnittuaannangillat, assersuutigalugulu silap qanoq inneranik aqunneqarsinnaasarlutik, taamaammallu suliniutit ukiunut aningaasanut inatsisisarfiusunut siaarnissaat pisariaqarsinnaasarluni.

Uuliamik isumalluutunik ilisimasaqarneq nunatta uuliamik isumalluutaasa nittarsaannissaanni pingaaruteqarluinnartuuvoq, taamaalillunilu orsussanik imerpalasunik immikkoortup nunatsinni aningaasarsiormi sukarsuanngorlugu ineriartortinnissaanik, kiisalu orsussat imerpalasut Kalaallit Nunaanni aningaasaqarnerup pitsaasumik ineriartortinneqarneranut suliffinnillu nutaanik pilersitsinermut ilapittuinissaannut Naalakkersuisut anguniagaasa piviusunngortinneqarnissaanut pingaaruteqarlutik.

Apeqqutit allat:

Apeqqut 12

Qeqqata Kommuniata allagaa ilanngunneqartoq oqaaseqarfigeqqullugu Naalakkersuisut qinnuigineqarput, tamatumani aningaasanut inatsimmut kingunerisassat immikkut pingaartinneqassapput

Akissut:

Naalakkersuisut ataatsimoorlutik Qeqqata Kommuniata allagaanik oqaloqatigiissuteqarsimannginnerat erseqqissarneqassaaq. Taamattaq Ineqarnermut Attaveqaqatigiinnermullu Naalakkersuisup suliamut tunngasumik oqaatigiumasaanik pissarsinissamut piffissaqartoqarsimanngilaq.

Ataatsimulli isigalugu ukiuni arlalinni Qeqqata Kommuniata attaveqaatitigut suliniutit allakkamini taasaasa ineriartortinnissaat misissorneqarnerallu Naalakkersuisut Qeqqatalu Kommuniata suleqatigiissutigimmatigit paasissutissiissutigineqassaaq. 2019-mullu aningaasanut inatsit pillugu isumaqatigiissut naapertorlugu maanna suliniutit imminut akilersinnaassusaat misissorneqarpoq. Misissuinerit taakku pilersaarusiornissamut toqqammaviliissapput. Maannamut siunertarineqarsimavoq misissueqqissaarnerit 2020-mi qaammatit pingasut siulliit ingerlaneranni piariissasut ilimagineqartoq, maannakkorpiarluni ilisimatinneqarpunga Kangerlussuup siunissaa pillugu suleqatigiissitaq ippassaq Kangerlussuarmi ataatsimiissimasoq, tassanilu suleqatigiissitaq isumaqatigiittoq suliap ingerlanneqarnera siunnersortinik avataaniittunik suleqateqarnikkut siuarsarneqassasoq. Tassani siunertarineqarpoq

suliniutip aningaasaqarnermut ingerlanneqarneranullu tunngavigisat akueriuminartumik qulakkeerneqarnissaat. Ilisimatinneqarpunga ataatsimiinneq pitsaasumik ingerlanneqarsimasoq, tamannalu ajunngitsutut isigalugu. Taamatullu iluarinartippara suliassap siuarsarnissaa pisariaqartinneqartoq isumaqatigiittoqarmat. Tamannalu naalackersuisooqatigiinnissamik isumaqatigiissutitsinni Kangerlussuup siunissaa kommuni suleqatigalugu ingerlanneqarnissaanut naapertuummat.

Tassunga atatillugu aamma eqqaasissutigissavara Kangerlussuarmi umiarsualivissap sananissaanut pilersaarut maanna ingerlanneqarmat. Konto pingaarnermi 87.73.12-imi pilersaarummut tassunga 4 mio. kr.-t immikkoortinneqarmata.

Taamaalillunga erseqqissaqqikkusuppara Naalackersuisut Kangerlussuup ineriartortinnissaanut suli periarfissaqartoq isumaqarmata.

Neriuppunga Ataatsimiititaliap apeqqutai taamaalillutik akineqartut.

Inussiarnersumik inuulluaqqusillunga


Vittus Qujaukitsøq



Aningaasaqarnermut Akileraartarnermullu Ataatsimiititaliaq
-/ Maani

Ulloq 1. november 2019 isumasioqatigiinnerup kingorna ilassutitut apeqqutit

Aningaasaqarnermut Akileraartarnermullu Ataatsimiititaliamik isumasioqateqarnermi apeqqutitut aalajangersimasunut arlalinnik akissuteqarnissara neriorsuutigaara. Suliap ingerlanera sukkanerusinnaaqullugu, allaffeqarfiga aqputigalugu Naalakkersuisoqarfiit attuumassuteqartut akisussaaffeqarfimmik ataanni apeqqutit toqqaannartumik ataatsimiititaliamut akissuteqassasut qinnuigaakka.

Brevdato: 07-11-2019
Sags nr. 2019 - 4228
Akt id. 12034332

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Uanga akisussaaffigisannut tunngatillugu ataatsimiititaliaq tulluuttunik apeqquteqarpoq:

Apeqqut:

Allannguutissatut siunnersuut nr. 49-50 konto pingaarneq 20.05.20 Kommuninut ataatsimoortumik tappissutit aamma 82.20.02 ERP-mik suliniut Pisariillisaaneq (AN)

- a. Suliniummut aningaasartuutaanerusussat erseqqinnerusumik paasissutissiissutigineqarnissaat kissaatigineqarpoq.
- b. Kommunit aningaasartuutaanerusunut aningaasalersueqataajumappat?
- c. Suliniutip inaarsarneqarnissaa pillugu annertunerusunik paasissutissiisoqarsinnaava?

Akissut:

- a. Pisiortorfigisaq Fujitsu kisiat qiviassagaanni, august 2016-imi isumaqatigiissuteqarnerup kingorna allannguutit annertunerusut 6it + nalinginnaasumik atortorissaarummik Prisme/AX 2012 annikinnerusunik nalimmassaanerit arlallit ingerlanneqarnissaat pisariaqartinneqarpoq. Tamatumani saniatigut nalinginnaasumik aqqiissutip atorneqarnissaa pillugu pisisumut immikkut atuuttunik kissaatigisat aqqiissutigineqarput. Taamattarlu ilaatigut akuersissutit pisariaqartut pisiarineqarnissaat siunertaralugu, pisiortorfiit arlalinnik ilaneqarnissaat pisariaqarpoq, taamaaliornikkut atortorissaarut atorneqarsinnaaqullugu, atulersitsinermilu assigiinngitsut tamaasa qulakkeerneaqqullugit. Ataatsimut isigalugu aningaasartuutit makuupput:
 - DcR-mut atulersitsinissamut periutsimik allannguinerit + atulerneranik kinguartitsineq 1,5 mio. kr.
 - Akileraartarnermut Aqutsisoqarfimmu immikkut ineriartortitsinerit 4,5 mio. kr.
 - Kommunini atulersitsinerni immikkut suliat 6 mio. kr.
 - Akileraartarnermut Aqutsisoqarfimmi kingusinaartumik atuilernerq 2 mio. kr.

- b. ERP-mik suliniummi isumalluutininik atuineq pillugu apeqqut kingullermik ulloq 30. oktober 2019-imi kommuninik ataatsimeeqateqarnermi oqaluuserineqarpoq. Attuumassuteqartut suliniummi aningaasartuuteqartoqarnerunera soorunami uggornartuusoq isumaqatigiissutigaa, taamaattoq taakku agguaqatigiinnissamik isumaqatigiissutaasoq malillugu soorunami matussuserneqassasut. Taamaammat aningaasartuutaanerusut affaat kommunit nammappaat. Ataatsimut isigalugu ingammik Akileraartarnermut Aqutsisoqarfimmi atulersitsineq sapinngisamik akornusersorneqanngitsumik pinissasoq kommunit paasilluarpaat, akileraarutinummi ingerlaavartumik a-contomik tunniussinerit eqqortumik pisarnissaat kommuninut annertuumik pingaaruteqarmat. Taamaalillunilu matumani kommunit Namminersorlutillu Oqartussat akornanni soqutigisatigut assortuuttoqanngilaq.
- c. Apeqqut manna aamma tamat akornanni annertuumik soqutigineqarpoq, taamaammallu tamanna pillugu tusagassiorfinnut nalunaarummik saqqummiussinissara naapertuuttuutissimavara. Taanna ilanngunneqarpoq.

Inussiarnersumik inuulluaqqusillunga


Vittus Qujaukitsoq

Ilanngusaq: ulloq 6. november tusagassiorfinnut nalunaarut



Tusagassiorfinnut nalunaarut Pressemeddelelse

Namminersorlutik Oqartussanut kommuninullu aningaasaqarnikkut aqutsinermi atortoq nutaaq – ERP-mik suliniut Pisarillisaaneq

Brevdato: 06-11-2019
Sags nr. 2016 - 12879
Akt id. 12011953

Aningaasaqarnikkut aqutsinermi atortumut nutaamut nuunneq Naalakkersuisut kommunillu Kalaallit Nunaanni pisortat ingerlatsinerannik pisarillisaanermi ataatsimut anguniagaanni pingaaruteqartut ilagaat.

Postboks 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Nittartakkami tusagassiorfiup Sermitsiap tallimangormat ERP-mik suliniut maanna ingerlasumik allaaserinninnera annertunerusumik oqaaseqarfiginissaanik pisariaqalersitsivoq.

ERP-mik suliniut pisortat ataatsimoorussamik aningaasaqarnikkut pisortallu paasissutissiinerannut atortorissaarutaannik ineriartortitsinermik pisinermullu tunngavoq, tassanilu kommunit tallimat Namminersorlutillu Oqartussat taakkulu ataanni suliffeqarfiit tamarmik peqataassapput. Suliniutit pisortat ataatsimut peqatigiiffigisaannit, kommunit Namminersorlutillu Oqartussat naliigimmik peqataaffigisaannik aqunneqarpoq.

ERP-mik suliniut 2012-imi aallartinneqarpoq. Sivisuumik sukumiisumillu piareersaasiortoqareersoq august 2016-imi atortorissaarummik, qallunaat kommuniini amerlasuuni atorneqareersumik, pisiortortumik inaarutaasumik paasiniagassat pereermata ikkussuinissamat isumaqatigiissuteqartoqarpoq.

Januaarimi 2018-imi Kommuneqarfik Sermersooq ERP-mik atortorissaarummik nutaamik atuilperpoq, Namminersorlutillu Oqartussat 2019-imi upernaakkut aallartipput. Maannakkullu Qeqqata Kommunian ikaarsaaleruttorpoq, taamaalillunilu kommuni ullualuit qaangiuppata atortorissaarummik atuilissaaq. Kommunit sinneruttut (Kommune Kujalleq, Avannaata Kommunian Kommuneqarfik Qeqertalillu) 2020-p upernaavani atortorissaarummik nutaamut nuunnissaat naatsorsuutigineqarpoq.

Suliap ingerlanera suliniutip siuariartoreranut tunngatillugu pisariaqanngitsunik taamaassorinnineqarpoq. Suliniut siuariartorluarpoq.

Danmarkimi kommunip naatsorsuutaanik ERP-mut ikkussuineq nalinginnaasumik ukiup ataatsip missaanik sivissuseqartarpoq. Taannalu uuttuutigigaanni kommunini tallimani, Namminersorlutillu Oqartussani minnerunngitsumillu Akileraartarnermut Aqutsisoqarfimmi ikaarsaaneq ukiut arfinillit arfineq marlulluunniit tikillugit sivissuseqarsinnaassaaq. Maanna atulersitsinermut ilimagisaasut aallaavigissagaanni pineqartuni ikaarsaaneq 2020-p naanerani naammassineqarsimassaaq, taamaalillunilu sulineq ukiut pingajuat avillugu sivissuseqarsimassalluni. Tamannalu ajorisassaangilaq, naak suliap ingerlanerani soorunami aporfinnik siumut takorloorsinnaanngisanik aqusaagaqartoqartaraluartoq.

Massakkorpiaq Akileraartarnermut Aqutsisoqarfiup atortorissaarummut nutaamut ikaarsaarnissaa suliniummi unammillernartitat annersaraat, ikaarsaarnissarlu arlaleriarluni kinguartinneqarpoq. Tamanna qarasaasiami paasissutissat annertoorujussuit, suliat amerlasoorujussuit, kiisalu paasissutissat pisariusut annertuut atortorissaarummut nutaamut nuunneqartussaanerannik patsiseqarpoq. Kinguartsinerit ilaat Akileraartarnermut Aqutsisoqarfiup atortorissaarummut nutaamut ikaarsaarnera, Namminersorlutik Oqartussani immikkoortut allat ikaarsaarnerinut sunniuteqannginnissaanik patsiseqarpoq.

Taamaalillunilu qarasaasiami programimik nutaamik allartitsiinnarnissap matumani pineqannginnera paasissallugu pisariaqarpoq – maanna aningaasaqarnermut paasissutissat kommunini tallimani Namminersorlutillu Oqartussani atortorissaarutitoqqani pigineqartut, atortorissaarummut nutaamut ilaasinnaangorlugit nuutsinneqartussaapput. Taamaaliornelut iluamik ingerlanneqassappat piffissamik annertuumik atuiffiusarpoq – taamaattoqartussaavorlimi, allamimmi periusissaqartoqanngilaq.

Aningaasaqarnikkut aqutsinermi atortumik nutaamik atulersitsinerup saniatigut, suliniut aamma ataatsimoorussamik nutaamik kontoplanimik ineriartortitsinissamik atulersitsinissamillu imaqarpoq. Tamatumalu nassatarisaanik kommunini Namminersorlutillu Oqartussani siunissami aningaasartuutit isertitallu assigijartumik eqqortumillu takutitsisumik nalunaarsorneqartalissapput. Tamatumalu kingorna pisortat Kalaallit Nunarput tamakkerlugu aningaasartuutaasa sumut atorneqarsimanagerat erseqqinnerujussuarmik nalunaarsorneqarsinnaalissaaq. Taamattaaq kommunit akimorlugit atuinerit eqqornerusumik imminnut sanilliunneqarsinnaalissapput, taamaaliornikkullu innuttaasunut politikerinullu iluaqutaasumik aalajangernissanut pitsaanagerusunik toqqammavissanik pilersitsisoqarsinnaalissaaq. Tamanna naggataagut kikkunnut tamanut iluaqutaasumik naatsorsoqqissaakkanik pitsaanagerusunik peqalernermik, taamatullu aamma pisariitsumik aningaasaqarnermik aqutsinermik qulakkeerinninnissamat pitsaanagerusumik toqqammavissiissaaq.

ERP-mik suliniut, suliniutit arlallit pisortat isumalluutinik atuinerisa pitsaassusaanik qaffasaanissamik siunertaqartut ilagaat. Akiliisarfik Ilangaassivik aamma tassunga atatillugu taaneqarsinnaavoq.

Tamakku tamarmik pisortani ingerlatsinerup pisariinnerulerlunilu aqulluarneqarnerunerannut peqataaqataassapput. Tamannalu tamatta soqutigisariaqarparput.

Inussiarnersumik inuulluaqqusillunga

Vittus Qujaukitsoq

Attavissaq: Ivan Damborg, Oq./Tel.: +299 49 11 21 og ivda@nanog.gl



Aningaasaqarnermut Akileraartarnermullu Ataatsimiititaliaq
-/ Maani

Ulloq 1. november 2019 isumasioqatigiinnerup kingorna ilassutitut apeqqutit

Brevdato: 07-11-2019
Sags nr. 2019 - 4228
Akt id. 12034332

Aningaasaqarnermut Akileraartarnermullu Ataatsimiititaliamik isumasioqateqarnermi apeqqutitut aalajangersimasunut arlalinnik akissuteqarnissara neriorsuutigaara. Suliap ingerlanera sukkanerusinnaaqqullugu, allaffeqarfiga aqutigalugu Naalakkersuisoqarfiit attuumassuteqartut akisussaaffeqarfimmik ataanni apeqqutit toqqaannartumik ataatsimiititaliamut akissuteqassasut qinnuigaakka.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Uanga akisussaaffigisannut tunngatillugu ataatsimiititaliaq tulluuttunik apeqquteqarpoq:

Apeqqut:

Allannguutissatut siunnersuut nr. 49-50 konto pingaarneq 20.05.20 Kommuninut ataatsimoortumik tappissutit aamma 82.20.02 ERP-mik suliniut Pisariillisaaneq (AN)

- a. Suliniummut aningaasartuutaanerusussat erseqqinnerusumik paasissutissiisutigineqarnissaat kissaatigineqarpoq.
- b. Kommunit aningaasartuutaanerusunut aningaasalersueqataajumappat?
- c. Suliniutip inaarsarneqarnissaa pillugu annertunerusunik paasissutissiisoqarsinnaava?

Akissut:

- a. Pisiortorfigisag Fujitsu kisiat qiviassagaanni, august 2016-imi isumaqatigiissuteqarnerup kingorna allannguutit annertunerusut 6it + nalinginnaasumik atortorissaarummik Prisme/AX 2012 annikinnerusunik nalimmassaanerit arlallit ingerlanneqarnissaat pisariaqartinneqarpoq. Tamatuma saniatigut nalinginnaasumik aaqqiissutip atorneqarnissaa pillugu pisisumut immikkut atuuttunik kissaatigisat aaqqiissutigineqarput. Taamattaarlu ilaatigut akuersissutit pisariaqartut pisarineqarnissaat siunertaralugu, pisiortorfiit arlalinnik ilaneqarnissaat pisariaqarpoq, taamaaliornikkut atortorissaarut atorneqarsinnaaqqullugu, atulersitsinermilu assigiinngitsut tamaasa qulakkeerneqaqullugit. Ataatsimut isigalugu aningaasartuutit makkuupput:
 - DcR-mut atulersitsinissamut periutsimik allannguinerit + atulerneranik kinguartitsineq 1,5 mio. kr.
 - Akileraartarnermut Aqutsisoqarfimmut immikkut ineriartortitsinerit 4,5 mio. kr.
 - Kommunini atulersitsinerni immikkut suliat 6 mio. kr.
 - Akileraartarnermut Aqutsisoqarfimmi kingusinaartumik atuilernerq 2 mio. kr.

- b. ERP-mik suliniummi isumalluutiniq atuineq pillugu apeqqut kingullermik ulloq 30. oktober 2019-imi kommuninik ataatsimeeqateqarnermi oqaluuserineqarpoq. Attuumassuteqartut suliniummi aningaasartuuteqartoqarnerunera soorunami unggornartuusooq isumaqatigiissutigaaq, taamaattoq taakku agguaqatigiinnissamik isumaqatigiissutaasooq malillugu soorunami matussuserneqassasut. Taamaammatt aningaasartuutaanerusut affaat kommunit nammappaat. Ataatsimut isigalugu ingammik Akileraartarnermut Aqutsisoqarfimmi atulersitsineq sapinngisamik akornusersorneqanngitsumik pinissasooq kommunit paasilluarpaat, akileraarutiniummi ingerlaavartumik a-contomik tunniussinerit eqqortumik pisarnissaat kommuninut annertuumik pingaaruteqarmat. Taamaalillunilu matumani kommunit Namminersorlutillu Oqartussat akornanni soqutigisatigut assortuuttoqanngilaq.
- c. Apeqqut manna aamma tamat akornanni annertuumik soqutigineqarpoq, taamaammallu tamanna pillugu tusagassiorfinnut nalunaarummik saqqummiussinissara naapertuuttuutissimavara. Taanna ilanngunneqarpoq.

Inussiarnersumik inuulluaqqusillunga

Vittus Qujaukitsoq

Ilanngusaq: ulloq 6. novmber tusagassiorfinnut nalunaarut



Aningaasaqarnermut Akileraartarnermullu Ataatsimiititaliaq
-/ MAANI

2020-mi kommuninut ataatsimoortumik tapiissutit

2020-mut Aningaasanut Inatsisissatut Siunnersuutip aappassaaneerseqarneranut atatillugu kiisalu sapaatip akunnerani uani Inatsisartut apeqqarissaarneranni taamatullu aamma ulloq 1. november ataatsimiititaliamik isumasioqateqarnermi kommuninik ataatsimoortumik tapiissutinik isumaqatiginninniarnertit soqutigineqarput.

Soqutiginninnerlu ingammik sapaatip akunnerani kingullermi Sermitsiap allaaserinninnerata kinguneranik pivoq.

Tamanna tunuliaqutaralugu Sermitsiap allaaserisaanut akissummik allakkamut ilanngullugu nassiussannik ataatsimiititaliaq ilisimatissallugu naapertuuttuuttippara, akissullu aviisimi saqqummersussami ilanngunneqassasoq naatsorsuutigaara.

Allaaserisamut tapiliullugu ataatsimoortumik tapiissutit pillugit atorfilittatigoortumik isumaqatiginninniarnertit maanna naammassisutut isigineqarnerat ilisimatitsissutigissavara. Nutserneqarnera manna kukkunerisiorneqaleruttorpoq, tamatumalu kingorna isumaqatigiissut politikerinut akuerisassanngorlugu saqqummiunneqassaaq.

Ukiuni kingullerni pisarnera naapertorlugu ataatsimiititaliaq inaarutaasumik isumaqatigiissummik ilisimatitsissummik soorunami nassissavara.

Inussiarnersumik inuulluaqqusillunga


Vittus Qujaukitsoq

Brevdato: 07-11-2019
Sags nr. 2018 - 22197
Akt id. 12049363

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl



Sermitsiaq A/S

**“Naalakkersuisut kommuninik sumiginnaapput” pillugu
atuartartutut/oqaaseqartutut ilanngussinissamik qinnuiginnissut**

Brevdato: 04-11-2019
Sags nr. 2018 - 22197
Akt id. 12004054

Ullumi ulloq 1. november 2019 Naalakkersuisut kommuninik sumiginnaasimanerarlugit Sermitsiap saqqaani atuagassiami allassimavoq. Soorunami taamaattoqannilaq, taamaattumillu oqaaseqaat matuma kinguliani allassimasoq saqqummiuteqqullugu aviisimut qinnuiginnippunga:

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Qulequttamat ”Naalakkersuisut kommuninik sumiginnaapput” akissut

Sermitsiap ulloq 1. november 2019-imi allagaa qulequtalik ”Naalakkersuisut kommuninik sumiginnaapput” atuarakku assut tupaallaatigaara.

Uanga tunginnit isigalugu saqitsaanneraanermik piviusup silarsuaani taamaallaat isumaqatiginninniarnermik pisarnermik sivisunerulaartumik Sermitsiaq ingasattajaakkamik saqqummiivoq. Naalakkersuisut kommuninik sumiginnaanerannik oqarnek ilumuunngilaq.

Ataatsimoortumik tapiissutit kommuninut isumaqatigiinniutigineqarnerat ajunngitsunik siunertaqarluni ukioq manna pisarnermit siusinnerujussuarmik aallartinneqarput. Suliassa qarfiit arlallit suli isumaqatigiissutigineqarput, tamatumani assersuutigalugu utertitsisarnermut tunngasut pisariillisarneqarnissaat Naalakkersuisunit kommuninillu kissaatigineqarluni.

KANUKOKA-p atorunnaarsinneqarnerata kingorna ataasimoortumik tapiissutit pillugit isumaqatiginninniarnert atorfilinnit, kommuninit tamanit Aningaasaqarnermullu Naalakkersuisoqarfimmit atorfillit peqataaffigisaannik ingerlanneqartarput. Illuatungeriit tamarmik isumaqatiginninniarnernut taakkununga ilanngussaqaartussaapput, taamaammallu isumaqatiginninniarnert sivitsoruttoorneranni illuatungeriit ilaat ataasiinnaq pisuutissallugu naapertuilluartuliornerunngilaq. Assersuutigalugu kommunit allakkianik namminneerlutik utertitsinernut tunngasuni ilapittuissutissaminnik neriorsuutigisanik suliaqarnek annertuumik kinguaattoorfiuvoq. Taamattaarlu Namminersorlutik Oqartussat inissiaataannik attartortittakkanik kommuninut tunniussisinnaaneq pillugu Namminersorlutik Oqartussat piareersaataat ilimagisamit pisariunerujussuusut paasinarsivoq.

Pisuutitsinernik saqqummiussuinani siunissami Naalackersuisut kommunillu suleqatigiinnerat qularnaassallugu pingaarnarujussuusoq isumaqarpunga. Kommuninik oqaloqatiginninnerit naammassingajalluinnalerput. Naammassinissaat kissaatigisinnaasannit kingusinnerusumik pissaaq, ukiulli siulianut sanilliullugu kingusinnerungaatsiartukkut tamanna pinngilaq. Assersuutigalugu 2018-imi naammassisaq ulloq 22. oktober uanga akuerivara, kommunillu ataasiakkaat ullup taaneqartup 6. november 2018 kommunip kingulliup akuersineratigut 2019-mi isumaqatigiissut akornanni akueraat.

Aningaasanut inatsisissatut siunnersuutip suliarineqarnerani tamatumalu partiinik isumaqatigiinniutigineqarnerani ingerlatsiviit assigiinngitsut akornanni arlalinnik pingaarnersiuisoqartarpoq. Naalackersuinikkut toqqaaniartoqartillugu kommuninut ataatsimoortumik tapiissutit 1,5 mia. kr.-t soorunami isiginiarneqartarput. 2020-mut aningaasanut inatsisissatut siunnersuummi akigititanut aningaasarsianullu iluarsiiisutissat ikilineqarput, tassani kommunit aamma ilanngunneqarlutik. Namminersorlutik Oqartussat namminneq aningaasartuutaasa annikillissutaasa annerpaartaat kommuninut ataatsimoortumik tapiissutinut marloriaammik amerlanerupput. Allatut oqaatigalugu kommunit Namminersorlutik Oqartussat namminermut aningaasaliisutitaannit sakkukinnerusumik pineqartarput. Aningaasat nalingisa nikerarnerata pitsanngoriartuaarnera pissutigalugu kommunit akileraarutinit isertitassaat ataatsimut isigalugu amerlissagaluarput. Kommunillu ataatsip missingersuusiornerni maanna ingerlasuni procentip akileraarusiisutimi apparnissaa eqqarsaatersuutigaa. Tamatuma peqatigisaanik pisortat ingerlatsiviini tamani pisariillisaanissamut, kiisalu piffissani aningaasat nalingisa nikerarnerata qaffarujussuarnerani ingerlatsinermut aningaasartuutit qaffannginnissaannik qulakkeerinninnissamut Naalackersuisut piumasaqarnissaaq anguniartuarpaat, taamaanngippat aningaasat nalingisa nikerarnerat ammut saassappat unikaallatsiisooqartariaqassammat. Aammattaaq iliuusissanik inuiaqatigiinnut innuttaasunullu iluaqutaasussanik peqatigiilluni aningaasalersuisoqarnissaa piumasarissallugu ingasagisassaangitsoq Naalackersuisut isumaqarput. Taamaalillutik Naalackersuisut 2020-mut Aningaasanut Inatsisissatut siunnersuummi ataatsimoortumik tapiissutit 11,2 mio. kr.-nik appartinneqarnissaat ilannguppaat. Taakkulu 2019-imi aningaasanut inatsit pillugu isumaqatigiissummi allaffissornikkut sipaarniutinik arlalinnik atuuttunngortitsinermi kommunit nammaqatigiisutissarivaat. Kommuninut ataatsimoortumi tapiissutinut tamarmiusunut, kiisalu kommuninut aamma nammineerlutik akileraarutitigut isertitaqartunut sanilliullugu taakku amerlagisassaangitsut amerlanerit takusinnaannguatsiarpaat. Taamaalillutillu kommunit ukioq manna aningaasanut inatsisip suliarineqarnerani sumiginnarneqanngilluinnarput.

Sermitsiap saqqummiinerani aningaasanut inatsisissap kingunerisaanik ataatsimoortumik tapiissutit annertussusissaat assut nalornissutigalugu kommunit missingersuusiortariaqarsimanerannik oqarneq ajuusaarnartorujussuartut isigaara. Tamanna ilumuunngilluinnarpoq. Kommuninut ataatsimoortumik tapiissutit annerpaartaat aningaasanut inatsimmik suliaqarnermi naleqqusnaanernit assigiinngitsunik sunniuteqarfigineqassanngillat. Tamatuma saniatigut kommunit aningaasanut inatsisissatut siunnersuut aggustimi saqqummiunneqartoq aallaavigilluarsinnaavaat. Assersuutigalugu kommunitut ataatsimoortumik tapiissutissani tamarmiusuni 2019-imit nuussassatut ingerlateqqinneqartussatut naatsorsuutigineqarput 1.502.934.000 kr.-ussasut. Inatsisartut 2020-mut aningaasanut inatsisissatut siunnersuummik aappasaaneerinninnerat pingajussaneerinninnerallu apeqqutaatillugu 2020-mi ataatsimoortumik tapiissutit 1.499.522.000 kr.-unissaat naatsorsuutigineqarpoq. Ataatsimut isigalugu nikeriaatt 0,2%-iussalluni. Tamannalu taamaalilluni nalorninartorujussuartut taaneqarsinnaanngilluinnarpoq.

Kommunitut ataatsimoortumik tapiissutit naggataagut aningaasanut inatsisip ilaattut Inatsisartunit inatsisitut akuerineqartussaanerat eqqaamaneqartariaqarpoq. Inatsisit naapertorlugit aningaasanut inatsit aatsaat kingusinnerpaamik ulloq 15. november akuerineqartussaavoq, tamannalu nutaarsiassartaqanngilaq. Taamaammallu ukiut siuliinut sanilliullugu annertuumik nalornissuteqartoqarneranik oqarneq ilumoortortaqaanngilaq.

Taamaakkaluartorli kommunini ingerlatsinermi soqutigisaat pillugit kommunit soorunami oqaloqatigineqarsinnaapput, oqaloqatigiinneq Namminersorlutik Oqartussat kommunillu akornanni missingersuutit pillugit suleqatigiinnissamik isumaqatigiissutissamut tunngasut Naalakkersuisunillu assut atorfissaqartinneqartut.

Neriuppunga taamaalillunga pineqartoq pillugu paasinninnerunermut eqqissisoqarnerunissaanullu ilapittuuteqarsimassallunga.

Inussiarnersumik inuulluaqqusillunga

Vittus Qujaukitsoq



Uunga
Aningaasaqarnermut Akileraartarnermullu Ataatsimiititaliaq

AIS 2020-imut allannguutissatut siunnersuummut Aningaasaqarnermut Akileraartarnermullu Ataatsimiititaliap ilassutitut itisileeqqusilluni kissaataa pillugu.

06-11-2019
Suliap normua: 2019 - 24044
Akt. id. 12037051

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Kontumut pingaarnermut 83.30.12-imut, Utoqqaat angerlarsimaffiunut, allannguutissatut siunnersuut nr. 25 (IIAN)

- a. Upernavimmi utoqqaat illuannik nutaamik sanasoqarnissaanik suliassaq pillugu ataatsimiititaliaq paasissutissanik erseqqinnerusunik kissaateqarpoq. Suliassap 7. mio. kr.-inik akisunerunissaa naatsorsuutigineqarporooq, aamma tamanna suliassami kommunillu aningaasaleeqataanissaminik kissaateqarnera eqqarsaatigineqarsimanersoq pillugit ataatsimiititaliap paasitinneqaqqulluni kissaatigaa.

Suliassaq marloriarluni sularinnittussarsiuunneqartarsimavoq, sularinnittussarsiuinerilli inerneru naammaginatarsimangillat, tassami suliassamut kommunip missingersuutaa allanngorsimangimmat. Suliassaq pillugu Avannaata Kommunia ingerlaavartumik oqaloqatigineqartarpoq, massakkuugallartorlu missingersuutip allanngortinneqarnissaa oqaluuserineqanngilaq. Tassunga taarsiullugu suliassap missingersuutillu imminnut atalernissaat anguniarlugu Avannaata Kommunia suliassamut allannguutissanik suliaraqarpoq.

- b. Suliassamut ukiunit siuliinit atassuserneqarsimasunngooq 18 mio. kr.-it, qanoq ilillutik saqqummerpat?

Suliassamut siunnersuut tunngavigalugu B-nut missingersuutit tunuliaqutaralugit 18 mio. kr.-it taakku saqqummerput.

- c. Missingersuutitut ilanngussani immersukkami nutaami suliassat ataasiakkaat killiffii pillugit naatsumik nalunaarusiortoqarnissaa kissaatigineqarpoq.

| Suliassap normua | Suliassap aqqa | Killiffik |
|------------------|---|--|
| 100.44.054 | Aasianni utoqqaat illuata allineqarnera | 2021-imi 17. maaji tunniussisoqarnissaa pilersaarutigineqarpoq Tunngavissa naqqup ataatalu iigassai naammassillugit kuineqareerput, inillu quleriit allersaata qaassaanik |

| | | |
|------------|---|--|
| | | betongimik kuisinissaq suliarineqarpoq. |
| 160.44.053 | Upernavimmi utoqqaat illuata allineqarnera | Suliassaq marloriarluni suliarinnittussarsiuunneqartarsimavoq, taamaakkaluartoq isumaqatigiissusiortoqarnissaa periarfissaasimanngilaq. Suliamut atortussat nutaat suliarinissaat nutaamillu suliarinnittussarsiuussinissaq kommunip massakkut eqqarsaatersuutigaa. |
| 030.44.051 | Narsami utoqqaat illuanni nutarterineq/nutaamik sananeq | Ulloq 29. oktobari 2019 suliarinnittussarsiuussisoqarpoq. A-mut missingersuutit B-mut missingersuutinit 10 procentit missaannik qaffasinnerupput. Taamaammatt kommunip suliassap suliarineqarnissaanut aningaasaleeqataasussarsionnissaa naatsorsuutigineqarpoq. Aningaasaleeqataanisamat missingersuutigineqartoq 15. mio. kr.-it missaaniippoq. |
| 080.44.056 | Sisimiuni utoqqaat illuanni puigortunngortunut immikkoortortaq | Suliassaq suli aallartinneqanngilaq. Suliassaq aningaasanut inatsimmi ilanngunneqassagaluarpatt, neriorsuummik allagaq nassiunneqassaaq suliassallu ineriartornissaa pillugu oqaloqatigiinnerit aallartinneqassallutik. |
| 070.44.056 | Maniitsumi utoqqaat illuanni puigortunngortunut immikkoortortaq | Suliassaq suli aallartinneqanngilaq. Suliassaq aningaasanut inatsimmi ilanngunneqassagaluarpatt, neriorsuummik allagaq nassiunneqassaaq suliassallu ineriartornissaa pillugu oqaloqatigiinnerit aallartinneqassallutik. |

d. Kontumit pingaarnermi taassuminnga kommuninit aningaasaleeqataaffigineqartumik qinnuteqartoqartannginnera, kommunit attuumassuteqartut aningaasaqarnermikkut ajornartorsiuteqarnerannik pissuteqartoq Naalakkersuisut isumaqarpat?

Kommunini tamani suliassaqarfimmi pitsanngorsaasoqarnissaanik pisariaqartitsisoqartoq Naalakkersuisut isumaqarput. Suliassanut arlalinnut aningaasaleeqataanisamak qinnuteqartoqartannginneranut aningaasaqarnikkut ajornartorsiuteqarneq pissutaanersoq paaserusukkaanni, tamanna kommunit toqqarlugit saaffiginerisigut qulaajarneqartariaqarpoq.

Inussiarnersumik inuulluaqqusillunga


Martha Abelsen



Aningaasaqarnermut Akileraartarnermullu Ataatsimiititaliaq
Finans og skatteudvalget

-/Maani

Apeqqutinut akissut 50.06.50 tunngasut

Dato: 05-11-2019
Akt. nr.: 12031661

Ulloq 04.11.2019 Aningaasaqarnermut akileraartarnermullu ataatsimiititaliaq piunasaqarpoq makkuninnga akeqqulluni "2018-imi paasissutissanik piunasaqarput aningaasanik atuisimaneq aammalu suliarineqartut aserorterisarnermut tunngatinnerullugit".

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

2018-imi neriorsuutigineqarput katillugit kr. 13.413.049, taakkunanngaanniik 8.429.038 kr angallatinut pisinermut atugassat aammalu 4.984.011 kr aserorterisitsinermut atugassat.

Katillugit inuit/suliffeqarfiilluunniit 6 -illit angallatinut pisinissamik neqeroorfigineqartut tigusimavaat, aammalu inuit/suliffeqarfiilluunniit 6-it aserorterisitsinissamat neqeroorutit tigusimavaat.

Svar på spm. vedr. 50.06.50

Finans- og skatteudvalget har den 4.11.2019 anmodet om svar på følgende "Der ønskes en redegørelse om forbrug og aktivitet over hovedkontoen i 2018 med særlig henblik på ophugningsstøtte"

Der er i 2018 givet tilsagn for i alt 13.413.049 kr., heraf er 8.429.038 kr. givet som støtte til anskaffelse af fiskefartøjer og 4.984.011 kr. til ophugning.

I alt har 6 personer eller selskaber modtaget tilsagn om støtte til køb af fartøj, og 6 personer eller selskaber har modtaget tilsagn om støtte til ophugning af fiskefartøjer.

Inussiarnersumik inuulluaqqusillunga

Med venlig hilsen

Jens Immanuelson

Aalisarnermut, Piniarnermut Nunalerinermullu Naalakkersuisoq
Naalakkersuisoq for Fiskeri, Fangst og Landbrug



Inatsisartut Aningaasaqarnermut Akileraartarnermullu pillugit Ataatsimiititaliaat

08-11-2019

**Allannguutissatut siunnersuut nr. 58, kontumut pingaarnermut 64.16.04-
imut oqaasertaliussaq nr. 2, pillugu paasissutissanik qinnuiginninneq
pillugu Aningaasaqarnermut Akileraartarnermullu Ataatsimiititaliamut
akissut**

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Aningaasaqarnermut Nunani Avannarlerni Suleqatigiinnermut Naalakkersuisoq Aningaasaqarnermut Akileraartarnermullu Ataatsimiititaliami ulloq 1. november 2019 siunersiorneqarpoq, tassani ataatsimiititaliap allannguutissatut siunnersuutit arlallit AIS2010-ip aappassaanerneckarnissaanut saqqummiunneqartut, pillugit paasissutissanut ilassutissanik qinnuiginninneq saqqummiunneqarluni. Tamatuma kingorna apeqqutit Aningaasaqarnermut Nunani Avannarlerni Suleqatigiinnermut Naalakkersuisoqarfik aqutigalugu Inuussutissarsiornermut, Nukissiuuteqarnermut Ilisimatusarnermullu Naalakkersuisoqarfimmut nassiunneqarput.

Tulliuttuni Ataatsimiititaliap allannguutissatut siunnersuummut nr. 58-mut apeqqutai akissuteqarfigineqarput:

Apeqqut:

"Kontumut pingaarnermut 64.16.04-imut Oqaasertaliussaq nr. 2-mut allannguutissatut siunnersuut nr. 58, (INN)

- a. Allannguutissatut siunnersuummut nassiunneqartumut tunngaviusut itisilernerneckarnissaat kissaatigineqarpoq. Ileqqorissaarnissaq eqqarsaatigalugu aammattaaq oqaatigineqassaaq, Ataatsimiititaliap allannguutissatut siunnersuummut matumunnga isummernissani kinguartissimangimmagu."

Akissut:

Allakkani 28. august 2019-imeersuni Aningaasaqarnermut Akileraartarnermullu Ataatsimiititaliap AIS2020-mut aallarniutaasumik apeqquteqaatit oqaaseqaatillu arlallit nassiuppai.

Kontumut pingaarnermut 64.16.04-imut oqaasertaliussanut siunnersuummut tunngatillugu ataatsimiititaliaq imatut allappoq:

"Nr. 2.

- a) *Piginnaatitsissut matumani pineqartoq Naalackersuisunit qanga kingullermik atorreqarpa aammalu pisuni aalajangersimasuni aningaasat qanoq amerlatigisut pineqarpat?*
- b) *Oqaasertaliussaq nr. 2 atuinerussutinik atuinikinnerussutinilluunniit ukiumut aningaasanut inatsiseqarfiusumut tulliuttumut nuussinermut taamaallaat attuumassuteqarmat ataatsimiititaliamit erseqqissaatigineqassaaq.*
- c) *Taamaammat oqaaseqatigiit siulliit oqaasertaliussamut nassuiaatitut Naalackersuisunit atuinneqassasut ataatsimiititaliamit inassutigineqarpoq. Ataatsimiititaliap isumaa malillugu nassuiaatit ataanni oqaasertat sinneri oqaasertaliussamut naleqqutinngillat.*
- d) *Tamatuma saniatigut oqaasertaliussamik pisariaqartitsisoqarneranut tunngavilersuummik isumaqarluartumik oqaasertaliussamut nassuiaat imaqaanngilaq.*
- e) *Siuliani allassimasut iluarsiniarlugit aningaasanut inatsisissatut siunnersuutip aappassaaneerreqarnissaanut allannguutissatut siunnersuummik Naalackersuisut saqqummiussissasut ataatsimiititaliamit naatsorsuutigineqarpoq"*

Ataatsimiititaliamut akissuteqaammi makkua allassimapput:

- "b) *Ataatsimiititaliap oqaaseqaatai allanneqarput.*
- c) *Ataatsimiititaliap oqaaseqaatai allanneqarput.*
- d) *Ataatsimiititaliap oqaaseqaatai allanneqarput.*
- e) *Ataatsimiititaliap oqaaseqaatai tusaatissatut tiguneqarput"*

Kontumut pingaarnermut 64.16.04-imut Oqaasertaliussamut nr. 2-mut allannguutissatut siunnersuut nr. 58 (INN) imatut oqaasertaqarpoq:

"Kontumut pingaarnermut 64.16.04 Kulbrintinut pilerisaarinissamullu suliniutit, nassuiaatit

AIS 2020-imi kontumut pingaarnermut matumunnga oqaasertaliussaq nr. 2-mut nassuiaatit peeqquneqarput aammalu matuminnga taarseqquneqarlutik:

"Aningaasaliissutit naapertuuttumik atomeqarnissaat qularnaarniarlugu Naalackersuisut aningaasanik ukiumut aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qularnaarneqarpoq. Oqaasertaliussaq iluarsillugu AI 2019-imiit ingerlateqqitaavoq."

Matuma siuliani allaaserineqartuni takuneqarsinnaasutut, allannguutissatut siunnersuut inassuteqarneq malillugu aammalu ataatsimiititaliap kissaatigisaannut naapertuuttumik saqqummiunneqarpoq.

Inussiarnersumik inuulluaqqusillunga



Jess Svane



Inatsisartut Aningaasaqarnermut Akileraartarnermullu Ataatsimiititaliaat
/ maani

Malugiuk: Kontomut pingaarnermut 86.73.12 Umiarsualivinni talittarfinnilu
aningaasaleeqqinnerit (IAN) pillugu allannguutissatut siunnersuut nr. 28 pillugu
apeqquteqaammut akissummut paasissutissaq isertuussassaq ilaammat.
Akissuteqaatip tamanut ammasumik saqqummiunneqarnissaa ataatsimiititaliamit
kissaatigineqarpat, missingersuut C ilanngunneqassanngilaq.

**2020-mut Aningaasanut inatsisissatut siunnersuummut tunngatillugu,
aappasaanneerinnissamut allannguutissatut siunnersuutit pillugit
Aningaasaqarnermut Akileraartarnermullu Ataatsimiititaliap apequtaannut
akissuteqaat**

08-11-2019
Suliaq nr.: 2019 - 6482
Id nr. 46436269

Asasara Ataatsimiititaliaq

Postboks 909
3900 Nuuk

2020-mut Aningaasanut inatsisissatut siunnersuummut ilassutaasunik
paasissutissiinissaq pillugu Aningaasaqarnermut Naalakkersuisumit
qinnuigineqarpunga, pingaartumik aappasaanneerinnissamut allannguutissatut
siunnersuutit arlallit, naalakkersuisoqarfimmi akisussaaffeqarfimma ataaniittut pillugit.

Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Matuma kinguliani apeqqutit aammalu paasissutissanik tigusaqarnissamik
kissaatigineqartut issuarneqarput, akissuteqaat kingornanniilluni.

Kantomut pingaarnermut 72.26.02 Mittarfeqarfiit, allannguutissatut siunnersuut nr. 23
(IAN)

- a. Sooq Air Greenland akinut malittarisassat nutaat malitsigisaanik
aningaasartuuteqarnerulernermut taarsiivigineqassanersoq, itisilerneqarnissaa
kissaatigineqarpoq.

Akissut: Tamatumunnga pissutaavoq, angallassisartunut assigiinngitsunut
isumaqatigiissutit assigiinnginnerat. Air Greenland-imut kiffartuunneqarnissamut
isumaqatigiissummi allassimavoq, akigitat qaffaataannut ingerlatseqatigiiffik
taarsiivigineqassasoq. Tamanna Disko Line-mut aamma Norlandair-imut
isumaqatigiissutini allassimangilaq.

- b. Napparsimasunik timmisartuussisut akinut malittarisassani taakkunani qanoq
pineqartarnersut paasissutissiissutigeqquneqarpoq.

Akissut: Napparsimasunik timmisartuussisut ilaatinneqannginnerat Mittarfeqarfiit
akinut akiliisarnernullu malittarisassaanniikkunnaarpoq. Tamatumunnga
pissutaavoq, akinut malittarisassat sapinngisamik ikinnerpaanik
ilaatitsinngippata, tamatuma pisariinnerususaanera
paasiuminarnerususaaneralu. Peqqinnissaqarfik akiliinerusalernermut
taarsiivigineqarpoq.

Kantomut pingaarnermut 86.73.12 Umiarsualivinni talittarfinnilu aningaasaleeqqinnerit,
allannguutissatut siunnersuut nr. 28 (IAN)

- a. Kangerlussuarmi, Uummannami aamma Qaanaami umiarsualiveqarfinnut
aningaasat qanoq annertutigisut atorneqartussatut naatsorsuutigineqarnersoq,
Ataatsimiititaliap paaserusuppaa.

Akissut: Kangerlussuarmi umiarsualivimmut nutaamut tunngatillugu, qanoq aningaasaliinissaq pisariaqarnerisooq maannakkorpiaq tikkuussisoqarsinnaanngilaq, tassami Namminersorlutik Oqartussat aamma Qeqqata kommuniaata akornanni suleqatigiissitaliami misissueqqissaarnermik suliaqarneq suli ingerlavoq, ilanngullugu pisariaqartitsinerneq nalilersuineq.

Uummannami umiarsualivimmi atortorissaarutit nutaat pillugit isumassarsianut isummernissamut tunngavissiami missingersuut ~~XXXXXXXXXXXX~~ aningaasartaqartoq innersuunneqarpoq. Oqaatigineqassaaq taamatut missingersuineq isertuussaammat aammalu tamanit ilisimaneqalertariaqarani. Aningaasaliisarnermi tunngavisoq marlunngorlugu avitaasoq naapertorlugu suliassap pilersaarusionerqarneranut aningaasaliissutinik immikkoortitsisoqartarpoq, tamatuma kingorna suliassaq neqeroortitsivigineqartarluni. Neqeroorutit tiguneqarpata, neqeroorutit missingersuut C-mut sanilliullugit nalilersorneqassapput aammalu tamanna akuersaarneqarsinnaasut iluanniippat, aningaasaliissutit ataatsimoortut suliassamut aningaasaliissutinut nuunneqarsinnaalissapput aallartinneqarsinnaalissallutillu.

Qaanaami nunniorneq aallartinneqareerpoq aammalu Qaanaamut aningaasartuutissat 32 mio. koruuniupput. Tassunga ilanngutissaaq sanaartugassamut pilersaarusionermit 1 mio. koruunit. Aammattaaq paasisutissiissutigineqarsinnaavoq sanaartugaq naatsorsuutigineqarmat 2020-mi tunniunneqassasoq.

- b. Umiatsiaaqqanut Nuummi umiarsualivimmut akitsuummik akiliisitsisoqartarsimaneranut nassuiaanissaq Ataatsimiititaliap kissaatigaa, takuuk Ataatsimiititaliap apequtaanut 5.8-mut akissut.

Akissut: Ataatsimiititaliap apequtaanut 5.8-mut akissuteqaat innersuussutigalugu paasisutissiissutigineqarsinnaavoq, Kalaallit Nunaanni aalisariutit aamma umiatsiaaqqat umiarsualivimmut akitsuutini ilaatinneqanngimmata, takuuk umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersoq, kingusinnerusukkut allannguuteqartoq. Takuuk Inatsisartut inatsisaanni § 2. Kisiannili Nuummi umiarsualiveqarfinni aalajangersimasuni atuisunut akiliisitsisoqartarpoq. Assersuutigalugu umiarsualiveqarfiit Sikuki Nuuk Harbour-imit aamma Godthåb Bådeforening-imit pigineqartut. Nuummi kommunip umiarsualiveqarfiani atuisunut akiliisitsisoqartanngilaq. Kommunip umiarsualiveqarfiani ilaatigut ilaatinneqarput Kangerlukasik avannarleq aamma Sarfannguani amutsivik. Umiarsualivimmut akitsuut akileraarutaavoq, taamaalillunilu Nunatta Karsianut nakkartussaallutik. Kisiannili atuisut akiliutaat umiarsualiveqarfimmi piginnittumut nakkartussaavoq, ilaatigullu aamma umiarsualiveqarfimmi ingerlatsinermit, aserfallatsaaliuinnermut aningaasaleeqqinnermullu atorqartussaallutik. Sikuki-p umiarsualivianut akigititat maannakkut atuuttut taakkua akigititaannut allattorsimaffianni, Sikuki-p nittartagaani takuneqarsinnaapput.

- a. Ataatsimiititaliaq siunersiuinerup nalaani akissuteqaammut tassunga, oqaatigineqartut allassimaffianni ilanngunneqarsimasumut, apeqqutissaqarsimanngilaq, kisianni taamaakkaluartoq allannguutissatut siunnersuummut isummernissami kinguartinnissaa toqqarsimallugu. Siunnersuutigineqarpoq Naalackersuisoqarfiup suliassanut anginerusunut ingerlasunut, aningaasaliissutit ataanni ingerlanneqartunut, ataatsimut isigalugu nassuiaat nassiuutissagaa.

Akissut: Konto pingaarneq 89.72.12 Inissialiassat taartissanillu inissialiortiterneq, nutaanik illuliortiternernut, isaterinernut, nutarterinernut aserfallatsaaliuinermilu suliassanut kiisalu Namminersorlutik Oqartussat inissiaataanni oqoqartunut suliniuteqarnermut aningaasaliissutinik imaqarpoq. Aammattaaq kontomi pingaarnermiipput kommuninut kiisalu Illuut A/S-mut tapiissutitut aningaasaliissutissat.

Matuma kinguliani suliniutinut Ineqarnermut Attaveqaqatigiinnermullu Naalackersuisoqarfimmit aqunneqartunut, kiisalu suliassat ataasiakkaat killiffiitut takussutissiaq takuneqarsinnaavoq. Tassunga ilanngullugu oqaatigineqassaaq, suliassat matumani allassimanngitsut tassaammata suliat naammassereersut imaluunniit naammassingajalersut, taamaattumik taakkua 2019-imi imaluunniit 2020-mi matuneqartussaallutik.

996.34.527 Nutarterinerit isaterinerillu assigiinngitsut

Suliassamiipput Namminersorlutik Oqartussat inissianut suliassaqarfimmut pilersaarutai naapertorlugit nutarterinernut aserfallatsaaliuinernullu suliassat aammalu suliassat assersuutigalugu najugaqartut isumannaatsuunissaasa aarlerinaateqarnera pissutigalugu nukinginnartorujussuuartut isigineqarsinnaasut. Tassunga tunngatillugu immikkut taaneqassapput aneerasaartarfinnut unammilligassat, tassani illoqarfinni assigiinngitsuni taakkununga sanaartugassamut pilersaarusionermut aningaasartuuteqartoqartarluni. Suliassat neqeroortitsivigineqarpata, suliassaq immikkuullarissiq eqqortumut sumiiffimmut kodeqartoq pilersinniarneqassaaq, kiisalu aningaasassanik nuussisoqassalluni. Tamatuma saniatigut suliassamiipput pisut ilaanni isatigassanut pilersaarusionerq, tassani suliarinninnermut aningaasaliissutit aalajangersimasumik sumiiffimmut kodeqartillugit suliassamut immikkoortumut nuunnarneqartarlutik.

Qasigiannugit –B-620-ip nutarterneqarnera

Suliassamut isumaqatigiissuteqartoqareerpoq. Suliassamiipput illup iluani nutarterineq annertoq, taamaattumik illusititseqqinnissaq pisariaqartinneqarluni, taamaattumik aallartinnissaanut piffissaq 2020-mi februaarimut inissinneqarluni. Tamatumani taamatutaaq umiarsuit tikinnissaannut tunngatillugu atortussanik pilersuinissaq eqqarsaatigineqarpoq. 2020-mi maajimi naammassissasooq naatsorsuutigineqarpoq.

Qeqertarsuaq - M.P. Posildip Aqqusermani illup uiguleriinniittup nutarterneqarnera

Suliassami isumaqatigiissuteqartoqareerpoq. Suliassaq Qasigiannuani nutarterinermut naapertuuppoq, taamaattumik illusititseqqinnissaq pisariaqartinneqarluni, taamaattumik aallartiffissaa 2020-mi februaarimut inissinneqarluni. Tamatumani taamatutaaq umiarsuit tikinnissaannut

tunngatillugu atortussanik pilersuinissaq eqqarsaatigineqarpoq. 2020-mi juunimi naammassissasoq naatsorsuutigineqarpoq.

996.32.124 Inissiat

Aningaasaliissutit najoqqutassanik assigiissaartunik sanaartornissamut pilersaarusionermut, kiisalu inissianik nutaanik suliaqarnissamut illuartitsinernut, atorineqassapput. Suliassamit taamaalilluni suliassanut immikkuullarissunut immikkut sumiiffimmut kodeqartumut, sanaartugassamut pilersaarusionermut suliarinninnissamullu, aningaasassanik nuussisoqassaaq. Maannakkorpiaq Qaqortumi - suliassaq 020.30.025 Atorluaanissaq tunngavigalugu inissiat aammalu Aasianni – suliassaq 100.30.026 Atorluaanissaq tunngavigalugu inissiat, inissialiassanut pilersaarusionerq ingerlanneqarpoq. Suliassat marluusut tamarmik 2020-mi upernaakkut suliarineqartussanngorlugit neqeroortitsivigineqassasut naatsorsuutigineqarput.

080.30.017 Atorluaanissaq tunngavigalugu inissiat 2016, Sisimiut

Inissiaqarfimmi nutaami inissiat 36-it sanaartornerat ingerlanneqarpoq. Inissianik 24-inik atuilernissaq 2019-imi pissaaq, inissiat sinneruttut 12-it atorineqalerat 2020-imi pissalluni.

120.30.019 Ingerlatsineq tunngavigalugu inissiat, Ilulissat

Inissiaqarfimmi nutaami inissiat 24-it sanaartornerat ingerlanneqarpoq. Atuilernissaq 2021-miit pissasoq naatsorsuutigineqarpoq. Illulortiterneq Avannaata Kommunia suleqatigalugu suliassanut ilaavoq, tassani kommuni aamma najoqqutassaq taanna atorlugu inissianik 24-nik sanaartorluni. Illulortiterneq taamaalilluni ataatsimoorussamik neqeroortitsivigineqarpoq, tassani suliassaq tamarmiisoq 2022-mi tunniunneqassasoq naatsorsuutigineqarluni.

060.31.048 Aneerasaartarfinnik ataannartunik aamma aneerasaartarfinnik nutarterineq, Nuuk

Suliassami Narsarsuarmi aamma Qapiarfiusaami aneerasaartarfiit ataannartut aamma aneerasaartarfiit ilaatinneqarput, aammalu aneerasaartarfiit qanoq issusaat najugaqartunut pisuinnarnullu isumannaallisaanikkut aarlerinaateqarnera pissutigalugu aallartinneqarsimallutik. Suliassaq annertussusaata annertunerunera, kiisalu qisuit listit aggiunneqartut kukkuneqarneri pissutaallutik kinguaattooqqavoq, taamaattumik suliassaq 2020-mi aatsaat inaarutaasumik naammassineqassallutik.

020.31.049 Illoqarfiup qeqqani nutarterineq, Qaqortoq

Suliassami ilaatinneqarput illoqarfimmi 'Inissiat Qungujulasut' najoqqutarisaaq malillugu inissiat 28-it iluunik nutarterineq annertoq, kiisalu igalaanik taarsersuineq, qallersuutaasa ilaannik nutarterineq, kiisalu silataanni tummeqqanik nutarterineq. Tamatuma saniatigut 2020-imi aasartinnagu illup qaavi nutarterneqassanersut paasinarsisineqassaaq. Illup iluini nutarterineq kinguaattooqqavoq, aammalu 2019-mi decembarimi naammassissasoq naatsorsuutigineqarluni. Igalaat 2020-p aallartinnerani naammassineqassapput, tassani suliassat sinneri 2020-mi upernaakkut/aasakkut suliarineqassallutik.

340.39.041 Ulersuarnerup kingorna illutaartitseqqinneq

Suliassamiipput Uummannami, Ukkusissani, Saattuni aamma Ikerasammi ilaqutariinnut ataatsinut illunik 40-inik sanaartorneq. Uummannami illut kingulliit oktobarimi tunniunneqassasut naatsorsuutigineqarpoq, piginnittunngortussanut novembarip qiteqqunnerani tunniunneqassallutik. Saattuni aamma Ikerasanni illut tunniunneqareerput piginnittunngortussanullu tunniunneqareerlutik. Sanasussaaleqineq pissutigalugu Ukkusissani illut tunniunneqarnissaat kinguaattooqqavoq.

010.31.040 Isaterinerit assigiinngitsut, Nanortalik - B-1216 isaterneqarnera
Suliassami isumaqatigiissuteqartoqareerpoq, taamaattumik suliassaq novembarimi aallartinneqassalluni aammalu 2020-mi apriliimi naammassissasoq naatsorsuutigineqarluni.

020.31.030 Isaterinerit assigiinngitsut, Qaqortoq - Blok J-ip aamma Blok K-p isaterneqarnissaat
Sanaartugassanut pilersaaruserneq ingerlanneqarpoq aammalu neqeroortitsinermit suliariumannittussarsiuussinissamullu piffissaq, illoqarfimmi sanasussaaneq aallaavigalugu aalajangerneqassaaq. Maannakkorpiaq illulortiterluni suliaqarneq annertuallaartutut isikkoqarpoq, taamaattumik neqeroortitsineq aatsaat 2020-ip aallartinnerani ingerlanneqassasoq naatsorsuutigineqarluni, tamatuma kinguinngua aallartissalluni. 2021-mi naammassissasoq naatsorsuutigineqarpoq.

030.31.031 Isaterinerit assigiinngitsut, Narsaq - Illu-mi illunik isaterineq - B-1013 & B-1014, kiisalu innaallagialersuinernik allanngortiterineq
Sanaartugassanut pilersaaruserneq naammassingajalerpoq aammalu suliassaq novembarimi suliariumannittussarsiuunneqarluni neqeroortitsivigineqassaaq. Aallartinnissaa 2019-imi decembarimi imaluunniit 2020-mi januaarimi naatsorsuutigineqarpoq, aammalu innaallagialersornerisa allanngortiternissaat 2020-mi upernaakkut aallartissasoq naatsorsuutigineqarpoq. Isaterineq allanngortiterinerlu 2020-mi aasaanerani naammassissasoq naatsorsuutigineqarpoq.

050.31.032 Isaterinerit assigiinngitsut, Paamiut - Blok O-p isaterneqarnera
Isaterineq ingerlanneqarpoq, aammalu 2019-imi naammassissasoq naatsorsuutigineqarpoq.

080.31.035 Isaterinerit assigiinngitsut, Sisimiut - Blok 10-ip - Paamaap Kuua, isaterneqarnera
Isumaqatigiissuteqarnissaq ingerlanneqarpoq, taamaattumik suliassaq novembarimi aallartissasoq naatsorsuutigineqarluni, aammalu 2020-mi aasaanerani naammassissasoq naatsorsuutigineqarluni.

100.31.036 Isaterinerit assigiinngitsut, Aasiaat - Svendborgvej - B-31, B-162, B-163 aamma B-164 isaterneqarnerat
Isaterineq ingerlanneqarpoq, aammalu 2020-mi apriliimi naammassissasoq naatsorsuutigineqarluni.

110.31.042 Isaterinerit assigiinngitsut, Qasigiannugit - Illu-mi illut sanileriaat - B-471, B-474, B-475 aamma B-491 isaterneqarnerat

Sanaartugassanut pilersaarusionerq naammassingajalerpoq. Suliassaq novembarimi imaluunniit decembarimi suliariumannittussarsiuunneqarluni neqeroortitsivigineqassaaq. Aallartinnissaa 2019-imi decembarimi imaluunniit 2020-mi januaarimi naatsorsuutigineqarpoq, aammalu 2020-mi aasakkut naammassissasoq naatsorsuutigineqarluni.

Oquttunut suliniuteqarnerq – suliassaq 060.31.037 Oquttunik iluarsaassineq, Nuuk aamma 996.31.043 Nuna tamakkerlugu oquttunik iluarsaassineq

Oquttunut suliniuteqarnerq pingaartumik inoqanngitsut ikilisinnaasa aallunneqarnissaanik imaqarpoq, tassani inissiat inoqanngitsut najoqqutassiaq 'Inissiat Qungujulasut' malillugu iluarsanneqassallutik. Najoqqutassami ilaatinneqarpoq inissiat iluini tamakkiisumik nutarterineq. Uffarfik isaterneqassaaq aammalu uffarfik nutaatut sananeqassalluni; inissiaq tamakkerlugu naqqi tamarmik + naqqup atai taarserneqassapput, aammalu oquttunik saliineq ingerlanneqassalluni; kiisalu pequtai aalaakkaasut taarserneqassapput – igaffiit, matut sikaaviillu. Najoqqutassat najugaqartut naammagisimaarinninnerat aallullugu, tassalu ukiuni 10-15-ni atorsinnaasunngorlugit ineriartortinneqarpoq aammalu atortussanik toqqaanermi siunissami ingerlatsinermut aningaasartuutaasartussat annikillisinneqarnissaat, kiisalu iserterluni aamma anilluni nuunnermi piffissap inoqanngiffiata sivikillisinnaasa, aallaavigineqarlutik. Suliassat tamatuma saniatigut, entreprenørit najukkameersut minnerusut suliassamik tiguisinnaanissaannut, toqqariikkanut neqeroortitsivigineqassapput (500.000 koruunit inorlugit). Suliassat ingerlaavartumik neqeroortitsivigineqassapput, entreprenørini najukkameersuni pisariaqartitsineq apeqqutaatillugu, tassalu sukkulluunniit pisinnaasaqartut.

Piffissami 2015-imiit 2019-imi juulimut Namminersorlutik Oqartussani Nutarterinermut allattoqarfiup najoqqutassaaq 'inissiat Qungujulasut' najoqqutaralugu inissiat oqummik eqqugaasut katillugit 193-it iluarsaassimavai. Tassunga aningaasartuutit katillugit 56,75 mio. koruuniupput. Tamatuma saniatigut iluarsaassinerit katillugit 59-it ingerlapput imaluunniit piaartumik neqeroortitsivigineqartussaallutik, tassani taakkununga aningaasartuutissat 18,5 mio. koruuniussasut missingersorneqarluni.

Ukiuni 2016-2019 Namminersorlutik Oqartussat najugaqatigiiffiinut inissianik oqummik eqqugaasimasunik iluarsaassinissamut katillugit 11,3 mio. koruuninik tapiissuteqarput, INI A/S-ip allaffissornikkut aqutaanik ingerlataanillu.

Ukiuni 2015-2019 ataatsimut isigalugu taamaalilluni inissiani 637-ni suliniuteqarnerit ingerlanneqarput, katillugit 86,5 mio. koruunit aningaasartuutigineqarlutik.

Aningaasartuutit aallaqqaataaniilli suliassami 996.34.527 Nutarterinerit isaterinerillu assigiinngitsut, akilerneqarput, tassani 2017-imi Nuummuk suliassaq immikkuullarissaq pilersinneqarluni, aammalu 2018-imi nuna tamakkerlugu oquttunik iluarsaassinermut suliassaq immikkuullarissaq pilersinneqarluni.

2020-mut Aningaasanut inatsisissatut siunnersuummi illoqarfinnut suliassanik suliarinniffiusunut, pisariaqartitsineq suliniuteqarnerlu ingerlanneqartoq ersarinnerulersinniarlugit, suliassanik immikkut pilersitsisoqassasoq siunnersuutigineqarpoq.

060.31.037 Oquttunik iluarsaassineq, Nuuk

Suliassat ingerlaavartumik neqeroortitsivigineqassapput, entreprenørini najukkameersuni pisariaqartitsineq apeqqutaatillugu, tassalu sukkulluunniit pisinnaasaqartut. Novembarimi inissiat 12-it neqeroortitsivigineqassapput.

996.31.043 Nuna tamakkerlugu oquttunik iluarsaassineq

Suliassat ingerlaavartumik neqeroortitsivigineqassapput, entreprenørini najukkameersuni pisariaqartitsineq apeqqutaatillugu, tassalu sukkulluunniit pisinnaasaqartut. Maannakkorpiaq Sisimiuni inissiat 13-it iluarsanneqarput, tassani Sisimiuni inissiat 11-it kiisalu inissiat 8-it novembarimi Maniitsumi neqeroortitsivigineqarlutik. Tamatuma saniatigut Qaqortumi inissiat 10-t neqeroortitsivigineqassapput, tassani neqeroortitsinermut piffissamut, pisinnaasaqartut ukiup nikinnerani pisinnaalertussatut naatsorsuutigineqartut, apeqqutaatinneqarlutik. Aammattaaq Paamiuni inissiat 20-it misissorneqarput, 2020-ip aallartinnerani neqeroortitsivigineqarsinnaassasut naatsorsuutigineqarluni.

Kotomut pingaarnermut 72.20.02 Kalaallit Nunaanni TV-kkut Radiukkullu aallakaatitanik siammarterineq, allannguutissatut siunnersuut nr. 42 (IAN)

- a. Kotomit pingaarnermut aningaasanik nuussisoqarnera najukkani radiunut sunniuteqassava?

Akissut: Naamik, tamanna nuna tamakkerlugu digitalimik tv-kanalinik atuutsitsilernissamut aallakaatitsinermut aningaasartuutitut sunniissanngilaq. Taamaallaat Attaveqatigiinnermut immikkoortortaqaarfiup kontoanut pingaarnermut 72.20.07-imut sulisut nuunneqarnissaat tassani pineqarpoq, taamaalilluni immikkoortortaqaarfimmi aningaasarsianut aningaasartuutit ataatsimuulissallutik.

Kotomut pingaarnermut 72.20.07 Ineriartortitsineq nakkugininnerlu, angalanermut suliassaqaarfik, allannguutissatut siunnersuut nr. 43 (IAN)

- a. Missingersuutitut ilanngussami allassimavoq sulilertussat aqqusinernik suliqaartussaasoq, ilanngullugit inoqarfiit akornanni aqqusinniornissamut tunngatillugu misissueqqaarnerit. Suliassat suut aallaqqaammut immikkut aallunneqartussatut naatsorsuutigineqarnerisut, minnerunngitsumik Kangerlussuup aamma Sisimiut akornanni aqqusinilliisoqarsinnaanera, erseqqinnerusumik nassuiarneqarnissaa Ataatsimiititaliap kissaatigaa.

Akissut: Aqqusinniortoqartarnissaa siunertaralugu, kommunit oqaloqatigalugit Namminersorlutik Oqartussani ataatsimoortumik ilusiligaasumillu ilisimasanik katersisoqarnissaa qulakkeeqqullugu Naalakkersuisut peqquneqassasut, 2019-imi upernaakkut ataatsimiinnermi immikkoortup 32-ip suliarineqarnerani aalajangerneqarpoq; taamaalilluni nunatsinni attaveqatigiinneq tamarmiusoq ataqatigiissaarneqassalluni aammalu suliassaqaarfimmut pilersaarutitut atuuttunut siunissamilu pisussanut naapertuuttumik sapinngisamik pitsaanerpaamik ataatsimoortinneqassallutik.

Naalakkersuisut aalajangiiffigisassatut siunnersuut taanna malillugu suliniarput aammalu aallaqqaasiullugu ilisimasani katersiniarlutik aammalu suliassat suut sularineqassanersut kommuninut ataqatigiissariniarlutik. Taamaalilluni Kujataani, Qeqqani aamma Qeqertarsuup Tunuani suliassaqaqarnissaq periarfissaqassaaq.

- b. Aammattaaq ingerlatassani ataatsimut isigalugu allannguutissatut siunnersuutini 41-44-imi pisussani nuussinermut naatsumik nassuiaasoqaqarnissaa kissaatigineqarpoq.

Akissut: Attaveqaqatigiinnermut suliassaqaqarfimmi tapiissutinut aningaasaliissutinut aalajangersimasunut tunngatillugu paasiuminartitsinissaq eqqarsaatigalugu, allannguutissatut siunnersuutit sularineqarput. Assersuutigalugu Royal Arctic Line A/S-imut, KNI A/S-imut aamma Mittarfeqaqarfinnut najukkami umiarsualivimmut oqartussap isumagisarineranut akiliutit kontomi pingaarnermi matumani, Attaveqaqatigiinnermut immikkoortotaqarfiup ingerlatsinermut kontoatut atuunnissamik pingaarnertut siunertaqaraluartumi, akilerneqartarput. Taamatutaaq naliliisoqarpoq kontomi pingaarnermi 72.20.02-mi aningaasaliissutit siunissami Tele-Post A/S-imut tapiissutitut aningaasaliissutinik taamaallaat imaqalerpata, aammalu nalunaarasuartaateqarnermi sulisut aningaasarsiaannut aningaasartuutunik imaqaratik paasiuminarnerusussaasoq, tassami taakkua suliassaqaqarfinnik allanik, aammalu nalunaarasuartaateqarnermut suliassaqaqarfiinnaangitsumik, aamma isumagisaqarmata. Aqqusinernut sulisumut aningaasartuutitut tunngatillugu, Ineqarnermut Attaveqaqatigiinnermullu Naalakkersuisoqarfiup iluani akisussaaffiit agguagaanerannik nuussiinnartoqarpoq.

Kontomut pingaarnermut 72.10.16 Inissiat attartortittakkat ingerlanneqarnerat, aningaasaliissutinut iluanaarutit, allannguutissatut siunnersuut nr. 45 (IAN)

- a. Akissuteqaammi siunersiuinnermut nassiunneqartumi allassimavoq, attartortittakkanik inoqanngitsunik ajornartorsiuteqarnerup annikillisinissaa pillugu INI A/S oqaloqatigalugu aallartinneqarsimasoq. Tamanna pillugu erseqqinnerusumik paasissutissiinissaq kissaatigineqarpoq, ilanngullugu pilersaarutit, isumaqatigiissutit allallu attuumassuteqartut nassiunneqarnissaat.

Akissut: Inissianut inoqanngitsunut aningaasartuutit annikillisinissaannut tunngatillugu INI A/S-ip suleqatigineqarnerani, Namminersorlutik Oqartussat ineqarnermut suliassaqaqarfimmut pilersaarutaat naapertorlugu, attartortut illulianit isateriaannarnit, illummut sivilunerusumik atorsinnaasumut nuutinneqarnerat pingaarnertigut pineqarpoq. Tassunga aamma suliassaqaqarfimmut pilersaarutit naapertorlugit illuutit isateriaannaat inissisimanerisa allanngortinneqarsinnaanissaannik pisariaqartitsineq periarfissaqarnerlu pillugit oqaloqatigiinnerit ingerlanneqarput – tassa imaappoq, isateriaannartut inissisimanermit illummut ukiut 30-it angullugit atorsinnaalersineqartussatut.

Attartortunik nuutitsineq illuutit iliuuseqarluni imaarinerit isigineqarsinnaavoq, naggataatigut illuutit matuneqarnissaa, taamaalillunilu illummut tassunga inoqannginneranut aningaasartuuteqarnerup unitsinnissaa, periarfissaqalersinneqassalluni.

Taamaattoqarnerani illuutit isateriaannaat sorliit atorineqartunik ikittuinnarnik attartortinneqarnerisut tamaalillunilu inoqanngitsut amerlasuujunersut naatsorsorneqassaaq. Tamanna attartortut illuutini sivisunerusumi atorineqarsinnaasuni allani inissiamik taartissamik neqeroorfigineqartussat amerlassusaat paasisimaarilersitsissaaq.

Tamatuma malitsigisaanik inissiat taartissaasinnaasut iluarsaanneqarnissaannik pisariaqartitsineq naatsorsorneqassaaq, tassami pisuni amerlanerni inoqanngitsut iluarsaanneqarnissamik pisariaqartitsinerusut pineqartarmata.

Taamaaliornermi marlunnik ingerlaveqartunik sunniisitsisoqassaaq, illuutit isateriaannaat inoqanngitsut amerlaneruppata matuneqartassallutik, peqatigisaanillu inoqanngitsut allat atorineqaaqilernissaat qulakkeerneqassalluni.

Ilanngunneqarpoq suliassaqarfimmut pilersaarutit naapertorlugit illuutitut isateriaannarnut "2019-imi septembarimi illuutitut isaterinermut imaluunniit iluarsaassinermut killiffinnut" takussutissiaq, tassani ataasiakkaani tamaginni iliuuseqarneq suna ingerlanneqassanersoq allassimalluni.

Tassunga tunngatillugu eqqumaffigeqquneqassaaq, imaarinnissamut piffissamut pilersaarummut sanasussaqaarneq apeqqutaammat, tassami pisuni amerlanerni nuussisoqannginnerani aammalu imaarinerup ingerlanneqarsinnaalinnginnerani, illummi sivisunerusumik atorsinnaasumi inoqanngitsunik iluarsaassinissamik pisariaqartitsisoqartarmat.

Neriutigaara 2020-mut Aningaasanut inatsisissatut siunnersuummut allannguutissatut siunnersuutit kajumittumik suliarineqarnerisa Ataatsimiititaliami ingerlaqqinnissaannut matuma siulianiittut tamakkiisuussut.

Inussiarnersumik inuulluaqqusillunga

Karl Frederik Danielsen

tatus på ejendomme nedrivning eller renovering september 2019

| ostBY | B-nr. | Beliggenhed | Antal lejermål i alt | Heraf tomme sep. 2019 | Tidshorisont for tømning | Bemærkninger |
|--------------------------|-------|---------------------------------------|----------------------|-----------------------|--------------------------|---|
| 900 Nuuk | 270 | Kongevej 11 | 19 | 7 | Minimal renovering | Erstatningsboliger mangler - C-overslag sendt 8-5 |
| 900 Nuuk | 380 | Kongevej 13 | 20 | 7 | Minimal renovering | Erstatningsboliger mangler - C-overslag sendt 8-6 |
| 900 Nuuk | 442 | Kongevej 9 | 38 | 5 | Minimal renovering | Erstatningsboliger mangler - C-overslag sendt 8-7 |
| 911 Sisimiut | | | | | | |
| 911 Sisimiut | 900 | Paamaap kuua 9 | 21 | 2 | Levetidsforlænges | C-overslag sendt 7-5 |
| 911 Sisimiut | 914 | Paamaap kuua 8 (7) | 24 | 17 | Levetidsforlænges | Renovering pågår |
| 911 Sisimiut | 936 | Paamaap kuua 7 (11) | 18 | 5 | Levetidsforlænges | C-overslag sendt 24-4 |
| 911 Sisimiut | 950 | Paamaap kuua 14 (3) | 23 | 1 | Levetidsforlænges | C-overslag sendt 7-5 |
| 911 Sisimiut | 964 | Paamaap kuua 13 | 23 | 3 | Levetidsforlænges | C-overslag sendt 7-5 |
| 912 Maniitsoq | | | | | | |
| 912 Maniitsoq | 156 | Minneralak 156 | 7 | 1 | Primo september 2019 | Den 30/9 er der udflytning hvor vi skal bruge lejligheden som erstatningsbolig til den sidste lejer |
| 912 Maniitsoq | 660 | Salliarnartaq 660 | 28 | 8 | Primo september 2019 | Tidshorisont såfremt RESK får renoveret for skimmel, se notat. 4 genhusinger anvises til B-749 |
| 912 Maniitsoq | 661 | Salliarnartaq 661 | 40 | 40 | | Er tømt |
| 912 Maniitsoq | 894 | Ivissuateralaa 894 | 12 | 1 | Levetidsforlænges | Udtages af listen, når renoverede. C-overslag sendt 9-5 |
| 912 Maniitsoq | 895 | Ivissuateralaa 895 | 12 | 3 | Levetidsforlænges | Udtages af listen, når renoverede. C-overslag sendt 9-5 |
| 912 Maniitsoq | 891 | Ivissuateralaa 891 | 8 | 4 | Levetidsforlænges | C-overslag sendt 9-5 |
| 912 Maniitsoq | 892 | Ivissuateralaa 892 | 8 | 0 | Levetidsforlænges | C-overslag sendt 9-5 |
| 920 Qaortoq | | | | | | |
| 920 Qaortoq | 176 | R. Bentsensvej 176 | 6 | 3 | Levetidsforlænges | C-overslag sendt 8-5 |
| 920 Qaortoq | 564 | Majavej 564 | 10 | 1 | Levetidsforlænges | C-overslag sendt 8-5 |
| 920 Qaortoq | 941 | J.H.Lytzensvej Blok I | 24 | 5 | Levetidsforlænges | C-overslag sendt 8-5 |
| 920 Qaortoq | 942 | J.H.Lytzensvej Blok H | 33 | 4 | Levetidsforlænges | C-overslag sendt 8-5 |
| 920 Qaortoq | 910 | J.H.Lytzensvej Blok K | 36 | 6 | | Tømmes hurtigst muligt, pga. tilstand af altaner. Sikkerhedsforanstaltninger gennemført |
| 922 Nanortalik | | | | | | |
| 922 Nanortalik | 480 | Chemnitzip Aqq. B-480 | 31 | 6 | Primo 2021 | Tømmes, men det er vanskeligt at skaffe erstatningsboliger |
| 940 Paamiut | | | | | | |
| 940 Paamiut | 604 | Aqq. 18 Blok P | 20 | 8 | 2. halvår 2020 | Tømmes når B-605 er tømt |
| 940 Paamiut | 605 | Aqq. 20 Blok Q | 12 | 7 | 2. halvår 2020 | Tømmes når genhusning af boere i Blok O er afsluttet |
| 940 Paamiut | 645 | Aqq. 22 Blok R | 21 | 14 | Levetidsforlænges | C-overslag sendt 4-6. Skal rumme tømning af Blok U og S |
| 940 Paamiut | 646 | Aqq. 24 Blok S | 14 | 8 | | Tømmes hurtigst muligt |
| 940 Paamiut | 647 | Aqq. 26 Blok T | 23 | 9 | Levetidsforlænges | C-overslag sendt 4-6. Skal rumme tømning af Blok U og S |
| 940 Paamiut | 648 | Aqq. 28 Blok U | 13 | 8 | | Tømmes hurtigst muligt |
| 940 Paamiut | 744 | Aqq. 49 Blok Å | 22 | 11 | 2. halvår 2020 | Tømmes hurtigst muligt. INI skal have flyttet kontor til anden bygning |
| 950 Aasiaat | | | | | | |
| 950 Aasiaat | 689 | Juuliaannap Aqq. 31.1.,33,35,37,39,4 | 8 | 3 | | Elevhjemmet tømmes med udgangen af august. |
| 951 Qasigiannguit | | | | | | |
| 951 Qasigiannguit | 471 | Ny Kirkevej 17,19,21,23,25,27 | 6 | 4 | 1. halvår 2019 | Tømmes hurtigst muligt - inden udgang af september |
| 951 Qasigiannguit | 475 | Karl Øivigsvej 5,7,9 | 4 | 4 | | Tømt, overføres til 098 |
| 952 Ilulissat | | | | | | |
| 952 Ilulissat | 125 | Edvard Sivertsenip Aqq. 5,7,9,11,21,2 | 26 | 26 | | Overført til 098 |
| ovedtotal | | | 628 | 233 | | |